

葉氏百三十家詩選



832577

感逝集第三册

諸家姓氏

長洲宋石琴來鳳 輯八十二首
選三十首

平湖賈芝房敦良 輯八十二首
選二十五首

秀水陶錐菴紹源 輯八十六首
選二十六首

烏程王竹侶 復 輯二十六首
選五首

歸安姚則明宗誠 輯六首
選二首

歸安楊秋室鳳苞 輯一百三十七首
選四十九首

仁和錢叔羨 杜 輯五十三首
選三十首

德清戴銅士銘金 輯六十八首
選二十一首

第三册目錄

華亭陳子雲汝枚 輯一首
選一百六十八首

青浦邵子山 堂 輯五十六首
選一百六十八首

華亭袁子瑜脩璞 輯八首
選二首

震澤張周父 履 輯二百九十九首
選一百六首

吳縣章鐵珊安行 輯六十七首
選二十七首

上海王菽畦慶勳 輯四十八首
選三十二首

震澤吳曉鉦釵森 輯二十七首
選七首

寶山程蓮亭師濂 輯三十四首
選十九首

寶山朱玉山繼舛 輯三十六首
選十四首

寶山黃秋平河瑞 輯二十八首
選六首

吳縣葉朝生廷珩輯選



寶山李少坪成鳳 輯三十二首
選十六首

寶山袁毅廉翼 輯七十首
選四十首

歸安管谷香蘭滋 輯九十首
選四十二首

寶山蔣劍人敦復 輯八十首
選二十七首

寶山周秋史兆漁 輯一百八十首
選四十八首

第三冊目錄



寶山風燈曳水感 輯四十八首
選一百八十首

寶山蘇儼人尊齋 輯八十一首
選四十二首

寶山香齋香齋齋 輯四十二首
選四十二首

寶山遠襟翼 輯四十四首
選四十四首

寶山李少坪鳳 輯三十二首
選十六首

鈍石齋詩稿

長洲宋來鳳翼舜 號石琴

雜詩

楊花辭故枝委棄不自由隨風吹作絮猶傍高門樓樓前無十丈彌望多平疇慎無落汙泥一落旁人羞

曉曉鳥噪林羅者笑其警喙喙魚沫浪網者見其影機械偶一

設萬變集俄頃所貴養冲夷生趣然領我自忘寂感任彼互

暄冷風高木葉脫天地見真境

茯苓長生藥鬱鬱盤地垠人無百年壽何苦戕其根保耆以為

固過久斯生春愁老日以老憂貧日以貧笑彼營營者徒自疲

精神

卷三 宋石琴

許貞女詩

吾師也秋先生女字蔣生未嫁生天居三年歸於蔣成

女子重問名納采先厥儀取女有吉日夫死服齊衰名分既已

正從一理敢違貞女幼讀書側聞禮經垂善窈窕秉柔淑父相

攸母曰諾女乃字身有託狂飈竟夕芭蘭萎貞女竊聞肝腸摧

夜臺一恁人不同良人不同女當獨歸女欲歸不得去恐傷父

母心未敢分明語其年年十三鬢鬢髮初束屠維赤奮若忽忽

年十六兩家故昏媾通問頗殷勤傳言姑病牀蓐呻吟貞女上

高堂脈脈淚沾臆心頭有語口不能出父母再三慰不得貞女

再拜言女昏誓不改舅姑如父母斯義凜然在女生當歸況今
姑病殆東鄰娶新婦金璫燦明妝西鄰娶新婦荆布生輝光何
獨真女作嬪守空房夫歿三年殯在堂慄慄潔志明秋霜貞女
誰身姓許名進士爲之父字者將世簪組我爲述此詩闡儀式

千古

賤士悲

士爲趨名士乃賤貴人一日情千變朝朝暮暮謁貴人幾回投
謁得一見見時踉蹌前致辭客意未申主先倦恩恩祇揖貴人
出低頭自覺無顏色始悔士賤豈由人中夜悲來坐難息請告
賤士今勿悲他日富貴毋爾爲

南安江行

卷三

宋石琴

二

沂流節節總灘程真似南安天上行
礪腹風迴迷向背山坳雲聚雜陰晴
綠溪林暗村無暑下水船來櫓有聲
向晚泊舟何處好綠楊灣裏聽擘鳴

人日席上分韻得花字

喜氣朝來上碧紗又逢人日在天涯
夢回芳艸年時路時送春風客裏家
綺閣圍爐人門酒鏡屏隔影樹交花
官齋卽事多清興分韻詩成句互誇

銅鼓歌

此戊戌春日兩廣督部鄧公以軍政巡粵西得之中丞

梁公廳事者歸不賓僚審爲古物各成題詠敬賦斯篇
世間常物珍異代名士往往傳詩歌斯鼓之作實誰始峒人鯨
會爭相過狼臙象林種種別魑結箕踞紛紛多男吹蘆笙女歌
曲明亞雜沓舞傜牲肥酒香百蠻悅夷俗流轉非余詫新息
武功震交阯表立銅柱高嶮崕軍中得此豈手製威聲或借疑
鉦鐸異詞乃出虞衡志至今傳會馬伏波小者又云蜀相遺原
委誰辨川先河總之古物千餘歲鬼丁攝守神搗訶桓桓我公
西巡閱眾職修眾無偏頗出耕放牧民氣樂建牙吹角軍聲和
淵然此鼓鎮八桂開府度立東西科遷歸其一駭眾目千里不
用馱明駝諦觀中虛外博大回古雷字文古字形摹蚪中臍隆起
捫有棱兩耳旁紐完不磨蝦蟇精老怒蹲伏徑圓七尺旋羲娥
黝亮瑰譎鬱海嶽宏聲鞳鞳騰蛟鼉吁嗟金石雖云壽數有顯
晦理則那泰始古鐘蝕兵燹永明鐵磬埋煙莎茲獨流傳禪盛
美岐陽石鼓伴峨峨南海神廟舊藏二土人迎社兼驅讎居然
有此峙鼎足怖走魑魅驚么麼矧公德威鎮百粵民獠帽服緇
煩苛試佐道鐸出警眾發聾振聵咸無瘥更喜軍門屬暇賓
僚清與供吟哦老將登壇先拔幟小敵避舍紛投戈私意欲持
寸筵擊一洗箏遂音和囉惱無欵識記年月箝口躑躅終云何
相與嗟託摻典據布鼓慚抱雷門過

卷三

宋石琴

三

一再舟山陷俄聞逼上洋夷謀真鬼域賊勢太猖狂從此多邊
釁何時戢海防

聖朝寬大詔未易喻遐方

題陳忠愍公畫象 二首錄一

可惜江南十萬師尙聞部曲重懷思廉頗百戰身先老宗澤三
呼命已危正顧帳中焚甲楯豈知臺右捲旌旗丹青留象舍餘
憤痛絕家路祭時

鳳陽明陵

一坏淺土起宏規捫讀高皇自製碑賤日同爲秦父老生前未
觀漢威儀何來車馬朝陵闕誰信覆鋤配鼎彝兆域不隨滄海

卷三 宋石琴

四

變

聖朝寬大動人思

宋石登謫仙樓

登樓重憶李青蓮采石磯頭放釣船謗口難消遷客恨狂名徒
與世人傳大江終古惟流水明月何時不在天奇絕蕭生遺畫
壁也將靈氣作雲煙

樓下蕭尺木畫壁今丹青
雖多剝落而神采尙可觀

新樂府六首 有序

太守鶴生張君始宰粵之番禺政聲卽著其後擢守江

南嶽郡移鳳陽安慶再移權南道者再所至愛士卹民

入事太恭人能以色養與諸弟皆友愛門內之政若此

又知本原之固有在矣來鳳先識君於嶺南泊君官新安招入廂相依既久梗槩畧聞今逢六十生辰竊不揣固陋謹就平日得之目覩者衍成樂府六章聊當巴人一曲其餘茂美曷罄導揚雖不免挂一漏萬之譏亦稍異乎世俗誇榮遇祝壽考者之浮文無實云爾

番禺民 息巨獄也

番禺民嗜利何邊邊曰有馮姓者住在黃埔鄉功令禁鴉片頓喜價值昂販賣頗得計其事漸聲揚大吏風聞捕之急密飭他縣馳騎入并檄營員共羅緝彼謂官非吾縣官諱稱假冒鄉民集以矛拒官官中頗奔告大吏赫然怒召張侯至立揮去頑梗不率皆當誅毋許一名網漏捕其時彼鄉民亦知法無赦即日官兵來家家無完舍婦女爭投纜洵洵勢可怕張侯到彼先安民嚴禁兵役入彼邨縛其有罪來自獻株連弗問并弗聞斯言傳播成流涕踰月凶人果自至官無騷擾民無枉大吏亦服侯能事生祠今在禺山側替祝千秋食侯德

青陽吏 亦息巨獄也

青陽吏征斂暴不顧青陽地磽瘠但求考課加浮耗可憐大水没田廬小民比歲無完膚剝肉補瘡那復得如何逾分誅官租扶老携幼挈婦女倉皇譁向縣庭趨紛紛傳言四鄉集山城僻小填街衢縣官蒙蔽突告變大吏信之下雷電徵調官兵與痛

愆遂令聞者膽驚顛使君捧檄不遑飯到境人人望行幟父老
叩頭遮道言不敢通糧況敢反反覆研鞫口不移吏人需索誠
有之爾民聚眾干法紀挾制官長爾奚辭問爾聚眾誰爲首始
吐實情諸生某密遣隸卒拘來前一訊而服事乃剖民刁官難
任乃爲褫一衿官邪民奚正乃爲罷一令歡呼各歸農數日輸
糧竟不遇使君仁吾儕安得全性命聞道彼時訛言作士卒持
及磨霍霍邀功殺人公不爲不曾換得高官爵

天牛出 拯菑黎也

天牛出商羊舞連年大水創已劇不論窮富無完戶監門之圖
香山詩流離萬狀筆莫譜賢哉使君實愛民救荒有政任一身
無衣衣以糲無食食以粥斂者施櫛病施藥十萬生靈命乃續
不然蚩蚩氓早已填溝阮縱荷

皇恩發帑藏實惠那得周孤惇人言使君清且勤如此自謂太
守之責乃應爾此心尤足召天和今年麥熟農先喜

青青衿 育人才也

青青衿刺挑達彼散散誰振拔公來守皖邦又壇旗幟皆驚降
精心剔榛棘信心牽蘭芷一麾所至易三郡每逢校試闕節擯
既使民風漸漸移還將士習諳諳訓士習端所趨民風承作式
治理徹本原異於事要褊本是羣書讀破來愛才若渴親量裁
種就棠陰種桃李春風次第着花開

鳩江上 恤商旅也

鳩江上豸節來借籌前着需公才吁嗟關梁豈獨詰奸寇算緡
千萬防厄漏誰扼要津心計工不聞歌頌聞詛咒公其承之無
偏頗仁聲流作江之波要爲

國家培元氣悉與商賈蠲煩苛官不虐商賈樂吏不蒙商賈逼
年荒用不足政美利無窮大堤柳色慣迎送幾見上官關疾痛
公來則喜去則思不聞詛祝聞歌頌

烏集庭 絜孝養也

祥禽來集庭孝感實非偶惟公子乃民何況母其母母開九秩
公六秩曾參養志多愉色晝坐堂皇夜母側某政某事一一爲
母啟母聞廉明母心喜眾人母使君使君尙孺子眾人各有母
有母請視此其道使君爲政淳使君爲政推母仁兄愛弟恭皆
足法冲然一室涵古春眾人安得有此樂祝公更爲公母祝

感事五首

昨日住金陵訛言卽淆耳今來皖江上微調紛紛起謂賊踰沅
湘所至摧壁壘江波滔滔長懼其順流駛議剿與議防朝暮開
如市書生輕武備談兵動色喜兵法貴變通故步詎足恃實理
在虛機戒慎當勿弛

岳州古雄郡長江此門戶自彼一失陷下流莫能阻賊攻長沙
城累月不得舉援兵儻夾擊去路可截堵大將何逍遙日坐湘

潭渚相望百里間縱今超再鼓燎火方在原不撲勢難禦嗚呼
參之肉民其欲食汝

地險得天造兵家利設伏屹然小孤山奔流東江腹主帥棄不
守議守道士泐其意在扼吭辨論非不足要知節嚴聲勢方
聯絡進攻卽未可退步亦非促何以策萬全事貴審之熟毋徒
出大言而媿當世目

守城無別法在乎民効死効死在平日一氣聯指臂如何信未
施而可輕驅使安民示煌煌禁民勿遷徙民曰官給我遷徙自
官始如與駢送拏及器用財賄道路更張皇踣閭目相視官船
揚帆開民船向岸艤

卷三 宋石琴

八

練兵夫如何要練心與膽心膽練既堅作事乃果敢所以岳家
軍不比山可撼近人不解此但云多多善紀律未與明遇敵手
先斂甚者肆活掠兵賊不復辨喪亂何由致挽回功匪淺良將
本來難吾思韓與范

徐徵士 立方 秋山鞠隱圖

秋花產秋巖寂寥眾芳後雖漸近霜雪兀與窮陰守物性與人
同惟淡故能久春蕤媚時目轉瞬竟何有消長天無心斯理豁
若厲傲非君子德陽元亦爲咎問鞠鞠不語還以諭吾友

避居許莊二首

避地不嫌僻荒邨水四圍亂餘身已贅夢裏客猶歸未識野人

性難辭農父譏蒼然愁日暝但見暮雲飛

幽居恒寂寞生計大艱難多謝交親慰猶看骨肉完濁醪隨分
飲清淚背人彈祇恐涼風起樓烏夜未安

鄉官樂

鄉官樂鄉官胡樂驕兒得志錢滿屋睚眦細怨圖必復里正低
頭聽拘束維南有箕北有斗一再獻納那敢後多寡一出鄉官
口嗟嗟若亦鄉人耳甘爲賊用良可恥殺人有口奚刀爲鄰里
之間尙如此槐國衣冠一笑休夢醒仍作干蚩虿

鼠船樂

有船以鼠名

槍船又名鼠船

其疾若竄鼠公然晝見形趁逐患行旅某

卷三 宋石琴

九

邨某富人一一能悉數憑社作威更何忌各魁其黨傳以羽呼
盧喝雉大開塲逐逐耽耽鼠而虎我欲殺虎世無卞莊我欲磔
鼠世無張湯獨不見鳩形婦子勞耕作終歲一飽那能博田家
何似鼠船樂

與陸雪亭夜話卽題近詩

東南生齒繁久慮物力匱長養蒼昊仁亦少位置地蕪蕪蹇蹶
徑例欲從燒薙治亂固循環亂實有由致名教裂大防智愚同
汨利江湖流日下勢將不可旣急與正人心拯亂第一義

答彭佑之

來保

葑溪門巷在亂後各無家淚入尊中酒春歸鏡裏花似余兼老

病羨爾富才華好句多
枵觸沈吟到日斜

余與石琴從未相交而亡友貝子木嘗稱道之聞其自幼能詩長工制藝兼通經學得從兄于庭太守之傳中年困於諸生上有老母乃橐筆出遊爲負米計兩至粵東三客皖江爲嶰筠制軍張鶴生觀察所敬禮凡遇名流及勝蹟皆有詩投贈題詠自癸丑避兵歸後遂以廣文家居不復出閱十年癸亥冬歿於鄉間年未六十也避亂時曾一至滬上余亦未及見乙丑冬蔣心薌工部從其家借得遺稿六卷示余選存八十二首石琴詩堅潔無俗韻以義理氣骨爲主高澹簡古處直逼漢魏餘亦不落唐以後在吾郡近時諸詩家中足爲朱仲潔後勁而與貝子木陳梁叔參立惟才稍不逮耳後之論者或不以余語爲不然耶

卷三

宋石琴

十

餐霞仙館詩

平湖賈啟良芝房

秋夜

夜色澹無際涼秋天氣晴月隨人到處風與水俱清宿鳥警殘
夢寒蛩鳴不平微吟忽忘倦小立看雲生

臨平道中

侵曉看山色山雲不同挂帆初就日晴翠滿孤蓬茆舍半臨
水相林全受風船頭千嶂合杳靄出煙中

田園雜興和衡石三兄韻

真隱家風慕鶡冠慙無微祿博親歡種桑菽穀能隨分也勝風
塵作冗官

卷三

賈芝房

七

蘆荻蕭蕭水滿灘截波扈葉響風湍羨他草屨撈蝦者未識人
間行路難

訪翁小海

雜

鷓脰波光淡夕陽孤蘆溼處有鳴榔風塵作客三年別雲水環
門五月涼病起江湖生白髮貧來詩句滿空囊何時更續松陵
唱便欲從君理釣航

雙忠祠

祀宋李庭芝
姜才二公

百戰孤城誓始終運移天水憺英雄千秋事并睢陽烈一死名
齊信國忠淮海荒祠留北郭匡山遺恨泣西風欲尋故壘今難
問慘淡靈旗夕照中

紅橋秋泛

園林幾處委荆榛金碧樓臺認水濱付與長年話興廢
池喬水總傷神

摘星樓閣俯晴嵐關檻憑虛遠影涵望裏好山青一髮鄉心飛
渡大江南

岳祠銅爵歌

江山不補金甌缺三字奇冤表忠節流傳古器閱千年鏽蝕銅
花剛不折靖康南渡誰勤王西湖半壁支殘疆黃龍痛飲矢恢
復金牌十二何倉皇胡天靄幕風雪厚忍說青衣事行酒金蕉
一賜和議成朝章遂落權姦手六陵風雨悲重經年年麥飯澆

卷三

賈芝房

十一

冬青金鳧玉盃委荆棘太常誰勒彝尊銘精忠萬古昭青史此
爵當年守家祀并鐵從教鑄佞臣金繪不洗朝廷恥酌酒城南
感慨浹倦翁遺蹟尙堪尋崇祠俎豆千秋肅報國猶留一片心

客懷

節物催時序偏驚客裏人落花三月暮芳樹五湖春徑長貓頭
筍羹嘗雉尾蒨江鄉風味別旅感者番新

清曉放棹至盛湖

鷓鴣枝搖夢續殘更破曉平湖自在行莫道飢驅爲我迫轉因閒
散得身輕鳧鷖新水浮官渡梅柳春風入郡城此去松陵知不
遠酒旗斜映隔林明

芷衫榕屏訪溪荻橋過舍小飲

補屋藤蘿綠意新久無客到徑封塵煙霞舊侶能忘世車笠前

盟有幾人伏處漸知貧賤好論交偏覺老成真追踪洛社謂洛社諸如吟

先輩須君等珍重同扶大雅輪

謝文節公名印歌

印係黃犀角製辟邪紐聯珠朱文枋得二字左右欵識

細字兩行云謝疊山先生遺印周亮工珍藏後歸楓溪

謝石雲大令字澄大令曾作詩紀事咸豐庚申冬仲哲

嗣鼎臣少府調梅次圭茂才公相屬詠為賦長歌

宣和印碎雙龍壁南渡江山爭一擲小朝玉璽又歸元往事傷

卷三 異芝房

三

心天水碧公也伉直性氣剛矯如驚鶴摩霄翔平生忠義秉大

節區區一印何低昂江東兵潰國不競符節空懷血淚迸建陽

賣卜痛餘生肯佩金章臣二姓羈縻唐石還閩中剝犀誰製篆

刻工遺書弊薦鈴紙尾辟邪紐壓殊泥紅閱六百年傳世久兩

字能熊光射斗樛園藏奉欵識存轉徙仍歸同姓手東山絲竹

已無聞時大令已歸道山什襲攜持有嗣君寇來一炬室家毀是月寇至楓溪

君家亦遭焚燬不與劫火同燒焚摩抄舊物增三歎神靈護衛文不

漶橋亭卜硯號鐘琴共此千秋重珍玩

榕屏偕胡桂江庚照過角巷村舍

不信逢今日相尋到此間亂離無好境朋舊各衰顏避難家為

累謀生事總難坐聽愁雨滴如益淚潛潛

避寇用巷遇符南樵孝廉得讀其寄鷗館集癸丑以後諸詩尤悲壯激烈鬚杜老哀時之作感賦四章奉贈卽題

卷端

字字新詩血淚痕一腔忠憤向誰論流離家室妻孥瘁擾攘干戈寇盜尊歸隱陶公思栗里憂時杜老詠羌村山川到處成殘劫手撚吟毫氣欲吞

湖外重開舊草堂難尋城郭綠垂楊榛蕪故里經兵燹涕淚餘生弔國殤文酒騷壇都歇絕山邱華屋半存亡詩才跌宕悲千古變徵聲多足感傷

卷三

賈芝房

西

數年奔走滯天涯顛頽儀容髣髴易華卻喜蘇瓌猶有子誰憐張儉更無家風塵嬾作諸侯客鄉里虛懷下澤車遠道鼓鼙今厭聽苦吟聲裏和悲笳

書劍飄然到海濱奇才今見老輪囷眼中碌碌無餘子世論悠悠忽此人薄俗已知儒服淺窮途專仗友情眞莫將愁病傷懷抱珍重千秋著作身

挈家避寇寓居鹿港七閱月矣今歲課蒙村舍春仲無事

口占寫懷

錦琴華年感逝波夜臺寂寞恨如何東湖東去東流水持較愁人淚更多

戎角聲酸城郭荒牙旗風颭影飄揚天陰雨濕窳魂語故里何人弔國殤

綺羅叢作虎狼途鴛水前游風景殊惟有一丸淒冷月夜深仍照舊南湖

潮痕不礙板橋低夾岸桃花帶雨齊賸得江南春一角此間猶是武陵溪

九秋自葉榭復遷浦北卽事感賦兼懷韋人先生再疊前

韻

專闡行師禮數崇未聞盪寇疾於風南征枉自思名將東道何人識厲公厄到詩書文運壞養成豺虎世途窮華陽逸史無消息那得相從理釣筒

卷三

賈芝房

五

題韋翁所藏宋紹興十八年題名錄

古人重實學所向惟躬行論士先器識取士擇賢能後世憑文藝厥權付司衡遂聞科舉端汨沒千豪英卓哉子朱子大儒世挺生微言闡孔孟道統宏周程觀其始進時落落無所爭主試邊周徒焉識奇傑生置諸五甲末豈足關重輕那知數百載姓氏昭日星一編題名錄藏弄光晶瑩顧君今耆宿出示規同朋當思百世師勿羨千佛經天爵期共修後賢庶其興

明周忠介公鐵如意歌韋人先生屬賦

有明憲宗失國政逆菴倒持大阿柄清流禍起傾東林鉤黨株

連管羣正公也如鋼百鍊精六君子內尤忠貞秉心剛直不可
屈亦似此鍊常錚錚姦邪塞路焰方熾萬事終傷不如意吳氏
憤擊緹綺逃義激人心動天地潏蕪韋翁自號先生今老僑愛古豈
異如意珠冠來不隨劫火燼阿護疑有神靈扶酒邊傳觀肝膽
熱執手還敲唾壺缺指揮世局喚奈何日擊時艱皆欲裂我昔
曾見忠毅銘廉而不劌同厥形吳江仲君子湘曾得趙忠毅公
鏡如意一柄予爲作記廉而不
劌忠毅
銘辭句九州鍊鑄不成錯幾使大器移朝廷明社終亡公著節
浩氣千秋磨不滅崧高維嶽神格思銘云崧高維嶽神之格不
思以介眉壽福祿來爲
在區區一鉤鐵

芝房少好爲詩古文辭與兄蘅石蘭臯齊名文溯原歐會於

卷三

賈芝房

六

本朝服膺竹垞望溪二家咸豐己未朱禮卿觀簪選一邑古
文爲當湖文繫聘之編纂寇至而書幸已成詩不名一家以
和平雅正爲宗視兩兄才氣較爲恢拓性不慕榮利年五十
外猶浮沈諸生中遭亂廝居松江人皆樂與爲友晚自號楞
伽居士甲子春訪余滬場遂訂交詩八十二首是時所錄未
幾別去僅通音問越歲晤其僚壻顧訪溪知已沒於乙丑冬
悵朋緣之太淺也

錐菴詩艸 蘇東坡風雨正不吹秀水陶公淇紹原 號錐菴

病起尋李耘菴不值用蘇集女王城韻

來敲谿北釣師門斜日行吟過別村過水人家先暝色隔湖煙
樹著秋痕淒嶮病骨嫌裘重冷澹詩腸要酒溫孤往每傷無所
侶不因違意始銷魂

卻下題畫詩二首 蘇東坡無人觀金盞我自飲野薑

路懸香靄暮難分一杵清鐘下界聞可是夢游天姥客瘦藤來
撥萬峯雲

孤村籬落夕陽斜竹樹蕭疎映淺沙水屋有人秋夢破一枝柔
櫓出蒹葭

卷三 陶鈞卷

二

桃花菴謁唐解元像

放狂泥酒自全真不見桃花解笑人太息青蓮垂死日夜郎終
爲永玉璣

題畫牡丹 蘇東坡 不長問世長 天欲容 蘇東坡

洛下名園種江南處處栽無人構金屋花自起樓臺

放鶴亭 蘇東坡

虛亭猶昔日我輩復高吟林響落松鼠蘆搖翻水禽山光向人
淡梅樹已春深坐久月孤上寥天長嘯音人寒衣初到 蘇東坡

鐘聲同李耘菴 王猷 作 蘇東坡 王猷 韻

諸天方寂寂一杵落飄風到耳不知處此心忽在空扁舟孤客

夜細路萬峰中
洪省偶能發春來倦夢同

滬上晤金漱仙

別君半載絕書函
相見言愁淚已含
掛席欲遊惟海外
彈丸不盡此江南
寥天排鴈飢無著
落日埋雲戰復酣
豈是及時行樂地
燈紅酒綠意難堪

錐菴少慧善畫十餘齡
落筆便近元四家
兼喜作詩中年覓食來我郡
余與訂交往還後久不見
亂後聞其避兵遊楚北
癸亥自漢皋歸復見於洋涇
畫益工而詩亦時有佳構
乙丑夏假館上海巨廟之豫園
所居日得月樓頗曠爽方謂自此可得長晤
迺七月聞婦病歸楓涇既悼亡八月

卷三 陶錐菴

六

感疾亦遽卒年五十一於其寓舍得近歲險稿一帙念舊交零落爲選十六首內銘一存之後吳清卿孝廉又寄示其舊作一帙復選存十七首皆清妙近南田翁詩雖無多而筆無俗韻如其繪事亦其天分之優也

見心齋學詩

烏程王

復竹侶

字定伯

秋翁萊仙自蓮塘橋遊歸以詩見示率和一律

我欲尋詩去所逢二妙歸雨溪山色瘳霧重樹陰肥鄰境猶多盜吾儕正苦飢幸餘行樂地好著芟荷衣

雨中偶懷胡子曉山

來青

卻寄二絕

選一

伏雨鬪風艸閣寒一身卧病滯江干高情忽憶君家事留得遺民夏古丹

哭仲弟

承謙

自作桓山鳥分飛本愴神况經多難日又弱孔懷人忍作鴻毛死空餘虎口身九原如有覺何以慰衰親

卷三

王定伯

五

滬城除夕

客舍逢除夕燈前獨舉觴影看雙短鬢愁結九迴腸稚子羈吳市衰親寓漢陽一家分四處何處不思鄉

滬城春感

甲子三月十八日

異地煙花觸處愁乘閒聊上酒家樓自憐淪落天涯客不聽琵琶也淚流

茗溪有才士七人皆能詩文交相友善結社稱七子余在

滬上曾識其中凌子與戴子高

望二君竹侶亦社中一

人賊中歸後客滬頗久沒於乙丑八月十五余竟未獲相交詩爲子與攜示遺稿無多爲錄二十六首其全稿及他

箸述聞都散亡矣

附錄

歸安姚宗誠則明 號拙民

寄敬叔石橋浦兼懷子與

秋夢落何處蕭條黃葉林林間置茆屋花外見遙岑孤棹經年
到寒燈獨坐淡所思杳難卽愁鼓伯牙琴

九日寄友

百年已是無家客九日誰憐獨病身落木蕭蕭聲到枕當杯黯
黯淚沾巾更無白鴈傳鄉信獨有黃花笑旅人知爾故交應悵
望音書兩地隔風塵

拙民己未孝廉亦七子中之一人曾佐趙竹生觀登守湖

卷三

姚則明

三

城投書言事頗鯁直亦曾陷賊出後撰湖變紀畧一卷敘
事得實而不署名卽自紀言事亦稱姚孝廉上書云云身
居其後有無賴子得其稿思攘爲己撰而刻之爲知者所怵而
止先竹侶一年沒詩亦子與所示風格與竹侶相近而更
清逸爲錄附於此惜太少耳

采蘭移集

歸安楊鳳苞秋室

天聖寺觀東壁管仲姬畫竹

昨夢躡小敷水月響環佩欲問忽西笑虛無謝氛壘晨勇牽薄
笨游心履視瘡徑詣尸陀林市道索版栽入門恐駒鈴飛竄緣
蔓藟仰睇松孱顏陰圖似擁蓋清唱騰梵魚斯人竟安在循廊
引中殿跌鴿一龕對古壁祛穢塵眼食到殘繪脩脩青琅玕佛
影曼瑱碎葉偃金錯刀梢抽珠貫非四面映團欒低昂各逞態
况若秋聲聞塵耳洗天籟遺欸暑道昇題詩寄深慨回首斑竹
枝幽怨六陵外龍蛻隨茅宇鸞綃去燕塞鉛瀉銅僊榮林於悵
冷沫想當拈筆時指穢氣反倍山河有餘恨飲入墨痕內倚嗟

卷二

楊秋室

三

故王孫玉馬抱後悔縱然託賦心毋乃媿粉黛剝蝕留畫髓妍
華破禪戒韞材賞豈同鞞鐸供堪配誰知異代愁而獨思我瘁
脊戀枯檜堂叢鞞鎖晚謁歸策散斜曛白雁閃霜背

松靄山房

禪窟才數弓繞廊竹萬个暖翠浮林端綠陰蹋不破微風松際
來五粒縱然墮童子喜攤經頻伽善偵邏何必參香鐙蕭蕭絕
塵堞仰觀竹垞書擬作三日卧

雜詩

芑華映桂竹離離滿衡湘眾芳自爲國榛蕪何由戕羣正常相
扶孤立恒多殃一蹈蒼葦室廉潔徒謹將種莠致穉附刈蕙蘭

亦傷懷哉洞先機末事圖豫防

十八夜天然圖畫閣寫望

山月未到戶漁火明沙隄湖波盪橋影流漾西邨西濛濛林表
暗杳杳浮嵐低置身極高寒鳥下歸雲齊半空墪鈴語恍若鳴
天雞欲呼石田翁寫此仿黃倪

吳山大觀臺望浙江放歌

兩旬湖上住徧躡湖上山今朝始登第一峯躡履飛步凌孱顏
危臺兀立落雲外坐覺江流瀉我襟懷間南龕北楮屹相向形
勢爭誇天下壯東窮漁浦崩暗沙西眺鐵幢壓溟漲是時秋氣
蕭江面鋪練平高歌小海唱頓使魚龍驚長空萬里不辨去鳥

卷三 楊秋室

三

沒但見幾點越山天際橫海門突入濤頭白直拍闌干三百尺
玉城雪嶺倒崩墮茫茫海賈招未歸幾度滄桑此潮汐錦衣屬
中朝水犀強弩飛煙消白雁宿沙渚天開圖畫渺何許同首錢
塘王氣微風景不異唐人衣憑高酌酒一弔古如此江山付落
暉

和陳二 紹登 范增墓詩因感元時墓遭盜發得殉墓寶劍

去事

空齋兀坐條爾愁雲低似聞四山啾啾猿狖號又若吳鉤新淬
薛燭手中搗雄吼摧辟厯逸氣凌虹霓諦觀却在棐几上迺是
陳子數番詩卷書幙幌昔者曾過居鄭郭荒林白晝行客迷秦

楚之際去今二千載。歷陽破冢猶可稽。鄉祭吏集亭東西。長句賦就筆銳剝。生犀朗唵百過奚。趨快酌銀留犁吾聞隧中寶氣。久已洩古劍脫匣。出幽穴糶鋤一片英雄血。以此殉葬亦好奇。胡弗更配舉示重瞳之佩玦。雄圖空試玉斗撞天命不刺金刀。缺當日鴻門坐上劉項分。龍虎腰間錦帶各各寒。芒吐楚人拔劍本爲楚。奈何此爲楚。舞彼漢舞籍也。劍學一人敵。噲也劍助。曠目怒那知三尺劍。終亡楚三戶劍。兮劍兮鐵花古君才。信是三傑伍。奇計無成且當虜。譬如鏌邪干將。豈作翠履補生前。權奪疽發君自苦。身後慢藏誨盜君自侮。腕顛劉蹶羅預耳。九京有知君莫數。君不見長陵秋草斷蛇亡。早有愚民盜杯土。

催租行

卷三 楊秋室

三

昨朝府帖下。今朝吏捉人。手持白木版。叫突東西鄰。黃蒿空卷小家屋。日晚爨釜煮榆粥。打門租吏撥糞粟。老翁踰牆走。老婦向隅哭。鄰雞上樹狗設鮓。

官倉行

倉垣新築三丈高。中有曲房爲游遨。笙歌酣宴夜復朝。倉前朱書一行字。憫今秋熯苦車水。願納五折貸。爾死下廩小吏貂。襜褕怒罵稅戶同。叱奴責令額外俱交輸。叩頭哀告寬鞭撲。歸去賣兒并賣屋。乞符鄰邑難餘粟。大旗閃閃雙門開。兩邊虎翼如雲排。半醉縣官呵殿來。

負釜謠

夫負釜妻抱兒饑驅出門何之道逢人食人更誰知爾汝故鄉
今難爰處適彼樂郊得我所餓鳴嘯枯樹下有破垣乞食叩主
門主人朝出採榆暮歸徒手無夕殮請看冷甑生塵土與客兩
相視淚落不能止

葛嶺寫望

東望疑無際長空暮靄橫江風吹海立嶺月抱湖明水闊魚龍
舞秋高鼓角鳴瀕塘連戰艦甌越未休兵

湖上將歸坐寓樓看月

倦旅錢塘曲中宵易感秋客心都付水涼月忽當樓小弟歸期

卷三

楊秋室

五

近高堂望遠愁扁舟待明發不作賈湖留

雨夜

山庭飛雨至樹樹作秋聲搖落有如許悲涼空復情濕蛩籬角
咽霜劍積中鳴殘夜孤檠裏雄心亦自驚

雨後行三竺路中

植杖聽泉聲空山秋思清滿林新雨後一往晚蟬鳴吟興餘前
夢塵勞媿此生落然偶違俗差喜滌煩纒

吳山樓夜

拾級凌天半危闌夕望開一尊江月上萬里海潮迴夜火明漁
浦風帆下釣臺滄桑今昔事故國不須哀

元夕齋居

憶昔鐙蛾鬧春星逐曉低可憐今夜月偏照萬家曉保社搜羣
盜科徭到寡妻平生當世志愁坐付荒雞

初秋至湖上泊水心亭

秋水澹無際秋山畫不如秋光先旅客一棹赴僧廬柳影踈堪
寫潭心淨可漁十年今再至重問竺乾書

紫竹林

十笏毘邪舍松筠鑲翠微客來花雨界僧老水田衣碧澗窺空
色幽禽語落暉風流前輩在欲亦住巖扉

夜坐書懷二首

卷三 楊秋室

五

銜枿聲酸隔巷過宵分畏影聞誰那書能窮骨供辛苦夢不關
心到甲科世味薄真雞肋似元談傲奈馬曹何自憐射虎英雄
氣消付青鐙寶劍歌

覽鏡功名轉瞬過落然寒事到居那悔教不作宣明面枉我猶
參掌故科一睡人才皆令僕半生吟卷共羊何拂衣同調知誰
是明到西山獨放歌

陸魯望祠

抽帆春水泊松陵甫里荒祠蔓古藤自昔詩名齊從事依然遺
像寫姜肱老來漁具閒耽詠沒後茶租歲罷微補闕拾遺俱莫
署頭銜不爲褐衣衿

鹽鐵均調一筭先上林不鑄水衡錢度支告匱頻諧價守令催
科更佩弦著論桓寬憎富吏急公卜式願輸邊莫言平準開桑
孔曾是西京全盛年

百畝牽絲秩豈微如何撲滿戒偏遲三吳徵漕分頑懦天下除
官數瘡肥蝕脛蠅肝爭亦得疊頭鼠目貌都非放衙高擁黃紬
穩墨吏從來下考稀

許史威稜孰敢承鳳池雞樹冷於冰登庸暑掌絲綸簿夢卜多
參粥飯僧祇辨暗鳴留仗鳥漫分黑白點樊蠅從容伴食無他
事不祭羣夔競詔能

已免人書牘背辭謫官歸去又何疑姓名便卜金甌易勛業堪

卷三 楊秋室

三

銘玉鉉遲菡荼炆風張翰繪杏花春雨伯生詩憑誰領得蕭閒
味悵望京華有所思

辛未元日禳詩

晨起雪霽寫前詩訖枯坐無聊卽事棖觸拈韻吟詩復
如除夕之數

黃門彈劾震朝端揆席何曾踞坐難
聖主因修旌直檻小臣
悔戴觸邪冠蹇驢目斷丹墀遠老鳳心驚白簡寒他日臺山還
有恨誰謠黃竹勸回鑿

郊西望幸築椒除紫府高寒儼躡虛太古雪留開帳殿垂天雲
起擁鑿輿團營豹尾盤鵬翮小隊蛾眉集翠裾總爲金蓮勞萬

尺幅吳淞畫不如依稀臨頓舊郊居
歸妓已失明前石韻事空傳腹內書
水暖放船聽語鴨日斜釣雪賣鱸魚
一杯樽酒無人酌杞菊寒畦稜稜踈

城濠覽古

廢隍尙見黑雲屯歎息三興破楚門
錢俶錦衣空內屬尉佗左纛漫稱尊
白駒北夢舟中夜黃葉西風水外邨
當日羣雄總安在野鳥嘯上女牆昏

同施二

國祁

聞籟山房看菊

石壇風露覺秋偏招得吟朋預菊筵
出院經聲清似水隔籬山影澹于煙
將開白社邀元亮誰鑄黃金事浪仙
今日明燈方丈

卷三

楊秋室

三五

室軍持一領小乘禪

庚午除夕禳感

是夕密雪灑窗擁鑪孤坐棲神寒骨
俛仰平生耿然不寐感時憫俗觸緒
懷人信口哦詩拉襖成草

漢家頻歲築宣房豈有金錢溢上方
瓠子塞來薪不屬桃花漲後堰難防
一時疏鑿夸經濟萬國脂膏飽囊囊
辛苦司農休仰屋葡萄拜爵老謀長

飛輓東南民力竭未聞紅粟太倉餘
繡衣屢上河渠議玉几親繙海漕書
但使雲帆輸析木休教御酒送姑胥
至尊自語宵衣切一石十平鍾恐不如

乘佛花可入史家書

聞道孫盧歸命日臺臣經畫頗紛拏南溟樓牖三千靖上國金
縉百萬賒莫謂鯨鯢能革面須防豺虎會磨牙皇家威德原無
外以貨招降未足夸

黃悍淮驕下廟灣酒渠如綫有無閒九重劍璽籌天廩萬派昆
侖拒海關濁浪支祁鉤鎖壘官租吳粟運艤難司空使者都推
讓二賈功勳不復還

山河百二古幽燕第一京東策墾田學士奎章陳碩議少卿潞
水補奇篇幾時樓畝琅琊稻是處安流錦繡川江左征徭應稍
減不知廟算更何先

卷三

楊秋室

三

四十九旗莽塞沙代爲甥舅拱天家拂廬徧被蒲桃錦服匿多
藏鳳餅茶青海射生吹篳篥黑河觴雪弄琵琶調金幾竭中原
稅贏得名王拜寵嘉

塞繞渾河絡地繩有唐都護兀憑陵拂雲鑊吹三城險靈武皇
輿一旅興直使吐蕃常斷管幡然回紇可摩臙方今蕩埽羗夷
服套寇胡爲部落增

詞苑文章信爾曹免圍搜册擬搜牢碧幢慣引麒麟植玉尺空
函虎豹改當代孰閑天下馬古人曾識九方臯鴻飛莫惜冥冥
去萬里雲霄見羽毛

東京文物未彫徂桃梗神叢已嘯呼瑞應鳳慶從古少才靄鷹

犬有時無耳聞柱石非良祝手摸牀稜是廟謨爲問朝元當軸者可知漆室女長吁

詠虞美人草

背關東下壯圖空天遣芳姿出故宮舞態依然悲塲下春光何處度江東羅衣夜繡織纖縠錦髻朝簪裊裊和百卉競爭佳麗日貞心論得與君同

綠慘紅愁不自由斷腸人似此花不劫殘淚洞橫蛇夜夢破風雲逐鹿秋荆豔多情依營堞楚聲遺恨割鴻溝野雞人豨皆黃土獨有芳名小草留

洪忠宣公祠

卷三 楊秋室

完

龍庭萬里使車勞疏牘丹青異代褒此日虛堂依宋闕當年改館痛秦牛輜軒集在風霜苦翰苑書成閱閱高太息南歸又遷謫奠椒須侑楚臣騷

登寶石山天然圖畫閣追和樊榭山房韻

絕壁銜樓曳履登看山畫裏記來曾湖光餉以卧遊客秋色冷如退院僧入定幽禽嘯密篠無人蒼石倚危藤斜廊花隱題詩在好景重摹謝未能

自和憶漢宮曲韻再酬姚胡二秀才

驚沙不見漢家春敢道中華絕代人徒抱楚江遷客恨不如永巷配春身苑期塞月留青冢夢逐東風識紫宸寄語婕妤好借侍

日好將表餌爲君論

東遷訪正希範故宅二首

東安吊古小停橈詞客遺蹤久寂寥惆悵無緣尋錦夢落花風

裏話南朝

草長鸞飛又暮春臨川幕下筆如神千秋腸斷江南句何況當

時署諸人

題阮大鍼樂府

秦淮煙月夢中消樂府猶傳寫韻嬌留與水天作問語桃花燕

子逆南朝

題清茗漁隱圖

卷三

楊秋室

三

避地休嗟著處難布驪無恙水雲寬江南若被征輸盡只有漁

租不屬官

雞流似鏡映朝霞鴨嘴船輕故故斜昨夜東風潮有信鰲魚吹

雪上薺花

看芍藥花歸有感

芍藥田中花萬枝休將金帶誤芳思十年一夢誰先覺不到楊

州總不知

秋室歸安廩生深於史學尤熟諳明季事蹟嘗閱溫睿臨南

疆逸史嫌其未備爲題跋十二篇正訛補闕不少經學小學

亦皆有根柢阮文達公撫浙時曾招入詒經精舍肄業並分

編經籍纂詁早年以西湖秋柳詞著名余近從湖州舊家得
讀其詩彙殘本三冊始知其各體皆工功力甚邃才華氣骨
兼優爲錄存百三十七首尙惜未盡其勝也湖人言其詩間
有己爲友朋選刻者然亂後流傳絕少惟秋柳詩迭經刊板
且有箋注本藏者尙多茲未錄存老年館於湖郡陳氏其書
室卽鄭芷畦元慶魚計亭人以其能留心鄉里掌故謂爲菴
畦復生而人品勝之卒於嘉慶丁丑年六十四字傅九又號
萸泝亦稱小玲瓏山樵晚又自稱西圖老人而秋室之號特
著云

卷三

楊秋室

三

蒼江

黃州亦稱小玲瓏山樵晚又自稱西圖老人而秋室之號特
著云
室曰虞五翻天靈魚信亭人以其詩留小艇里常結請爲商
且自箋其本藏者尙多茲未錄存老年館於湖郡陳氏其書
室卽鄭芷畦元慶魚計亭人以其能留心鄉里掌故謂爲菴
畦復生而人品勝之卒於嘉慶丁丑年六十四字傅九又號
萸泝亦稱小玲瓏山樵晚又自稱西圖老人而秋室之號特
著云

松壺畫齋

仁和錢 杜叔美

息廬圖送李柯奚南歸

槿籬繞舍水圍隄
桑下茅茨一翦齊
小港自隨花曲折
濃陰不辨屋東西
魚經擬向溪翁借
鳳字須留野客題
若去故園尋畫本
門前先記板橋低

松影菴步月做徐幼文意

山月欲上松風鳴
峯影墮地溪雲生
西溪門掩月初上
茅茨古琴發幽響
琴聲漸幽月漸高
空堂六月生寒濤
隱囊夜半看山月
松影亂落如牛毛
須臾簾捲月西墮
谷口煙深疑有路
小艇呼來不載人
抱琴還逐松風去

卷三 錢叔美

三

為君壽作便面

小樓依約一燈紅
遠樹微茫細雨中
十二屏風寒不掩
秋聲隨夢入梧桐
琴聲彈幽月
桐窗空堂六月生
寒濤隱囊夜半看山月
黔州西城山居為王尤仙觀察作圖醉後更題一律感慨

系之 錢叔美文意

莽莽黔西夜秋來
未洗兵是誰吹玉笛
都作戰場聲雁陣
風干樹山城雨二更
箭癡燈下看涕淚
各縱橫

七月二十七日雨窗有悼寫此自遣

十九年中感鬢絲
維摩禪榻病難支
未能拋却秋池上
匝岸荷香夜雨時

板橋折柳圖送何慎齋歸山陰同賦詩者李鶴坪劉古山
蔡松若李同甫病酒詩未成者李晴甫也

山店月未落雞鳴板橋下疏柳響鳴蟬蕭蕭雜征馬馬走大隄
邊槐花七月天胡姬能勸客對客數青錢客心指歸鳥鄉思憐
秋草子獨還故園予猶滯蠻嶠蠻嶠長相思但看楊柳枝西興
渡頭望愁絕夜潮時

萬石摹石田翁九峯蒼翠贈陳東田方伯

借問入山路茅茨深幾層野猿眠釣艇山果落魚罾秫米陶潛
釀青山謝眺登西溪好泉石莫忘一枝藤

楊升菴先生像

卷三 錢叔美

三

先生像滇中有二本一在永昌鐵樹嶺作道士裝一在
大理寫韻樓作處士裝一在昆明陸爾玉家作冠服像
吾聞人蓋晚年弟子所摹此臨昆明本

萬死投荒落魄人偶然重現宰官身金雞遠寄東華夢杜宇空
啼故國春關塞魂歸雲似墨琵琶聲斷雨如塵哀牢幾樹垂垂
柳尙識前朝放逐臣

仿范寬關門飛雪圖送李子愿之遼左

毳帳紫明駝蒲桃玉巨羅西風吹落葉飛滿大凌河大凌河頭
啼早雅錦州城裏彈琵琶琵琶絃澀凍不響松山杏山雪一丈
送君走馬深雪中白狐戰羆鳥角弓馬毛旋空風怒吼冰底髑

體隨馬走東望瀋陽城夢見居庸關春風有時來征客何時還
君不見出關枯草黃入天密雲道上拋榆錢

臨山樵松風青壁巨幘

早出看雲去午時門未關松風襍飛雨疑入巨廬山青壁欲孤
往丹鑪尋九還眞仙如可接揮手謝人間

萊友觀察索寫錦城烟月長卷蜀中余舊游地猿聲樹色
猶在枕簟間不必更求之古人粉本也秋意清爽坐雲
谿水亭上翦鐙點染詩則晚飯後所題

眞上青天蜀道難瞿塘舟險棧雲寒猿聲夜冷啼三峽樹色秋
高挂七盤爲愛名山長縱酒自憐多病早休官贈君十丈青藤
紙烟月都從枕上看

卷二 錢叔美

十四

爲翔伯太守寫夔府江山卷子卽以贈行

五月山程荔子丹送君走馬出長安雲橫棧閣千花暗江繞巴
渝一郡寒風定虎燈昏入市月明船鼓夜爭灘鄉村戰後荆榛
遍問俗先教賦稅寬

黃陵廟前楓葉青子規啼雨晝冥冥翠厓蒼峽通官閣老樹哀
湍滿訟庭自種秫田閒釀酒愛攜古衲與譚經定知賓佐題襟
處無數雲嵐入畫屏

自題行看子冊

峨眉山月 巴江秋老泛舟瞿塘三峽間薄暮輒舉杯

看我眉山月沙鳥自來親人平生壯游自此始矣

白帝城邊樹萬層黃牛峽裏上秋澄沽得郫筒好春酒不辭風露下巴陵

巫山巫峽滿秋烟山木蒼蒼冷到天兩岸猿聲休太苦青溪歸客未曾眠

洞庭張帆 阻風洞庭舟泊君山下五日又苦小雨不得登陟惟偃卧篷底聽風水而已一日午後方擁被酣寢聞舟子張帆聲急起推篷四顧空闊春申君在天際共手富池神雅已啞啞迎客薄暮蓬蘆林沽武陵春痛飲竟夜心

神灑如

卷三

錢叔美

三

岳陽樓上日初落廟口寒雅送客啼多謝春風似相識吹人直過洞庭西

灞陵怨別 甲子暮春自西安之滇中何子伯引莊子雪鴻借客攜酒送余至灞陵野岸灞上自庚申辛酉間爲賊蹂躪非復曩時風景相與徘徊荒草叢棘中座有李生善琵琶彈灞陵秋一闋四座怡然李生舊家灞岸前年自賊中來頗能言其情狀今城郭如故人民已非 座客爲流涕久之感時傷別情見乎詞

終南殘月挂城頭花落旗亭水亂流不用風前折楊柳琵琶彈出灞陵秋

樹裏黃河繞塞長邊風吹角水茫茫關西老將頭如雪醉倚弓
刀說戰場

冷落東風萬柳絲銷魂橋上立多時酒痕狼藉春衫濕休唱何
戡絕妙詞

容夫伯引出紙索圖倚裝更書一絕

三月三日花事稀長安城邊春欲歸深草馬銜殘瓦出古壕鴉
帶鬪鸞飛

玉溪太守昵秦淮歌伎柳卿戲寫折柳圖送其歸長沙

金粉飄零夢六朝燕歸江閣雨瀟瀟一枝殘笛春陰裏苦勸征
人住板橋

卷三 錢叔美

美

板橋感舊圖

宛轉秦淮上下潮楊花如雪記停橈檣邊乳燕逢三月笛裏春
陰畫六朝玉樹清歌人寂寂吳孃水閣雨瀟瀟江南幾片繁華
地第一銷魂是板橋

三 鶴林寺北閣望隔江暮色寫以遣意

客去不去山窗開鶴林寺前風笛哀黃葉半沈殘照裏秋聲寒
擁萬雅來

李子望索作小幘俄頃而成雲林生云速者不佳遲亦未

必工耳

村缺樹濃微辨徑門前港細未通潮不知誰引溪風入漁艇無

人自過橋
寫西興小景與老薑

扁舟秋夜泊西興遠岸玲瓏見佛燈風葉滿天潮不上月斜猶
有渡江僧
醉後寫竹無古法無興趣惟狼藉墨汁一斗而已

腐儒安能識竹趣逃入箕簷谷中住秋陰滿地秋蟬號埽天萬
株金錯刃荒籬客散茶煙綠寒夜誰來踏殘籜暗螢飛墮佛燈
前清磬一聲風滿屋
人帶同孫子瀟步月賈氏廢園卽圖其意

卷三

錢叔美

三

幽港沈荒煙江月上城半人影穿林來一一若秋雁扣門悄不
磨一地涼陰橫主人邀客坐隔竹風鏽聲竹深秋意生月欲與
人語仙鶴飛出牆桂花落如雨

斜月已過橋籬影淡如晝時有秋蟲聲蕭瑟禱秋話話長客欲
去池上雙扉開庵僧苦待客故使山鐘催歸來隱几臥夢落西
溪水波影滿船頭白鷗呼不起
智果齋房與暉上人論畫有作

琳宮仙磬午時稀野鶴隨人叩石扉陰壑松兼風怒響天池花
與瀑爭飛廚香齋飯能留客定久青苔欲上衣共證書禪誰解
脫半空清籟倉元機

叔美丈年少以貴公子官部曹性耽曠逸棄而不就中年續

婚松陵某姓未及一月亦厭家室事煩飄然遠遊數年不還
足跡幾遍天下能詩善畫所友皆海內名彥晚年歸隱西泠
旋就養嗣子揚州官舍年七十外乃卒畫師文衡山兼綜宋
元諸家生平所見古人名繪極多紀以畫憶一編其所作之
妙有自來矣詩皆題畫所作而紀遊感事弔古懷人悉厲其
中陳雲伯先生序謂超妙清曠真氣往來上之追踪太白次
亦嘉州龍標信然然其五古清雋處又是韋柳家數也歷經
三四刻亂後其本皆失近借友人藏帙選五十三首錄之卽
可作好畫讀焉

卷三 錢叔美

三

西泠詩集卷三
三則陵廣銘其本皆法... 人... 十三首... 支...
衣... 詩... 然... 其... 五古... 畫... 景... 賦... 景... 樓... 世... 翠... 樓...
中... 刺... 差... 出... 去... 坐... 承... 胸... 鼓... 鼓... 雷... 翻... 真... 辰... 於... 來... 土... 之... 豈... 認... 太... 白... 大...
... 自... 來... 突... 精... 骨... 獸... 畫... 遍... 井... 而... 寒... 後... 風... 亭... 中... 古... 壽... 人... 添... 亂... 其...
... 清... 寒... 士... 平... 賦... 風... 古... 人... 各... 餘... 跡... 矣... 嗟... 其... 畫... 辭... 一... 識... 其... 浪... 壯... 之...
... 傳... 遂... 圖... 下... 遊... 雁... 音... 合... 乎... 十... 十... 依... 以... 奉... 畫... 祖... 文... 澹... 山... 兼... 綜... 宋...
... 體... 後... 繼... 天... 下... 誰... 清... 善... 畫... 祖... 文... 皆... 賦... 內... 各... 宜... 知... 乎... 流... 豈... 西... 泠...
... 欲... 然... 翅... 其... 披... 未... 及... 一... 日... 衣... 裊... 涼... 室... 事... 或... 聽... 飛... 聲... 數... 數... 環... 翠... 不... 辭...

妙吉羊盃詩存

德清戴銘金子緘

號銅土

秋夜懷己生

己巳

落葉下如雨秋燈影欲沈美人此遙夜靜坐弄瑤琴獨雁隨風
去寒蛩伴月吟迢迢烟水闊無限別離心

夏日同潘寅客

賜璜

過二樵小竹里館

朝川莊在綠陰中修竹回環一徑通消夏園林宜好雨未秋簾
幕動涼風畫供客賞皆因古

是日觀明潘司空滙溪故宅圖

書被入求轉梅工

二樵

書為有茶瓜留坐久不妨歸步夕陽紅

鬪蟋蟀用韓孟鬪雞韻

甲戌

秋獮治蟲兵器械早儲待翠幕列四圍雕籠煥五彩各矜子智

卷三

戴銅土

五

雄執謂此師殆橫刀放膽麤齧鏃知舌在勁持玉靶弓堅被金
髮鎧入局分輸贏選場得爽塏將兵貴多多行事尙磊磊鼓勇
氣直前避羞色或改倏爾雲翅張矯然雪羽催力道奮一麾神
旺增百倍結成劉項營斫作韓彭醢間道益逞奇時糧以救餒
直同將軍飛不受田父給攻車令自申陳貨市闐亥蠶食肆厥
貪蛾伏數其罪臨城城可縋背水水流挽量敵請議和袖金陰
獲賄咆哮虎踞岡跳盪魚縱海磨牙利莫當鍊骸久不怠誰從
壁上觀競唱軍中凱搜材剔草根邀賞博花綵勒石標燕然平
巒鎮馬乃棲山越降吳下隴漢滅魏持籌宮掖娃著論廟廊宰
消歇半間堂功勳無可採

杏花同端木宦田學博

國珣

作

梅花落後莫嫌孤二月江南似畫圖豔簇山家耕笠聚寒生水

店酒旗扶出牆引客消魂否簪帽看人得意無爲語飛來雙燕

子銜泥莫汗絳羅襦

放鶴亭懷林和靖

己卯

老鶴飄然化羽僊玉簪敲碎墓門烟舊鉏明月栽梅地新注寒

泉薦菊天脫屣名逃徵士傳葺廬俸損使君錢

杭州府志杭守王隨訪處士居

出錢新之臨終一語原堪信賸稿全無封禪篇

感事

庚辰

桂樓椒閣倚雲斜春到城南第一家顏詡居留名士屣孔融門

卷三 戴銅士

早

滿貴人車偶緣補徑教栽竹不惜拋錢爲買花炮炙羔羊催啟

宴蒲桃酒熟膩如霞

託契由來肝膽傾公侯原是倚干城名非附驥何能重價爲登

龍便不輕豈獨貽袍憐范叔莫因結韉讓王生受恩那敢忘酬

報鑄像黃金愧未成

光陰一擲感流年金谷繁華欲化烟叛裏糧空奴僕散釜中豆

急弟兄煎易工變態浮雲狗最惱啼聲落月鶻擊碎珊瑚鏡如

意惹儂惆悵爲伊憐

慳慳忽忽夢中人不是從前自在身衰草滴殘荒徑雨好花移

作別家春陳蕃設榻留徐穉傅變分符代范津拋却烏衣雙燕

子呢喃語到換巢新

同陳月鉏

廷芳

赴杭州

乙酉

近游爲趁早涼時欸乃中流泛櫓枝新漲綠浮漁舍網夕陽紅
上酒家旗故人大好同攜手老女何堪強畫眉此去西湖秋可
訪藕花圍住水仙祠

法雲庵與姚平泉夜話

頻年蹤跡寄蘇州西子湖頭續舊游古寺佛香清入夜踈燈人

語淡宜秋青衫得脫呼如願絳帳難忘易惹愁

追念賢兄
東石師

兒女

未完婚嫁累

三見聘
君次女

與君何日作閒鷗

九月初五日同汪叔明

昉

崔田榆樓瑤圃游金井洞分韻

卷三

載銅士

聖

得山字

濟勝苦無具野樵扶上山置身千仞上放眼五湖間側笠流松

鎖看碑別薜斑一聲吹鏡笛相與暮禽還

同劍花泊哲嗣絢巖

揚 游景星觀唐員外邛丹故居

薄日烘晴喚午鳩寬鞋瘦韉訪仙流棄官只愛騎黃犢

邱棄官
學仙騎

黃犢

入山與客同來問白鷗

見願况訪
邛山人詩

明水一杯無地薦

邛山祠暮
今癸

雲千疊拍天浮當年惜未成雞犬得舐餘丹世外游

夏夜橫塘步月

月碾冰輪倒水流鳴蟬半在柳梢頭三間耘老浮暉閣生不同

時作勝游

一枝橫笛兔華開
淡淡荷香沁酒杯
知否彥平臨水處
石林清
夜刺舡來
橫塘之東三面皆水爲城中居地之勝昔葉石林葛魯卿秋夕汎舟訪莫彥平疑卽其處

擬杜少陵諸將
壬寅

機槍一現海南州
滾滾波濤激怒流
鼓毒蛟涎腥出穴
噓空蜃
氣幻成樓已驚斫
壘攜銅面又報攻城到
石頭骨相酸寒非定
遠也思投筆博封侯

御敕親除大總戎
恩聯玉牒本支同
界將溝劃原非策
牌召師
歸竟敗功別有閒情
貽芍藥須知隱語
託芍蕞議和可是偷安
局誤用聰明笑相公

西風落葉

卷三 戴銅土

聖

西風昨夜到江城
狼藉丹黃無限情
鴉宿孤巢驚冷夢
馬嘶古道
變淒聲
霜華暗逼紅心死
雪點新添白髮生
又是一番時序
換小園愁煞庾蘭成

效唐張夫人拜新月

拜新月拜月下階行
薄霧籠燈影微風動
釧聲拜新月拜月
月捲羅幕蟾攀及第花
兔擣修仙藥拜新月
拜月怕人知舊夢
觸相思
綠纏連愛縷紅泛合歡
卮車輪一去藤蕪碧
夜夜清輝望行客
繡榻孤眠怯枕衾
寒衣欲寄催刀尺
搖落年華春復秋
黃雞喔喔亂更籌
樂昌破鏡還留半
或有團圓在後頭

醋

倒榼傾盆伴醪醕小名念與石榴聽苦吟賀鑄嘗三斗屢嘗三斗醋賀

句謂語曹瞞浸一瓶官販豈容爭賈子見唐書劉放傳士貧偏不學酸

丁拈毫好做題糕例檢字分明缺九經

榆樓葺新知稼堂匠人於斗拱間得楮幣四番各裏太平

通寶錢一枚紙灰色長尺有奇濶半之上端書大清寶鈔

中間書壹貫二字下端書順治年月日王笙三和乞其一

裝成立軸拈筆題後時丁未九月

榆莢掛樓青箇箇五銖仙人飛下座鎮宅已經二百年利用班

生志食貨唐飛宋交各有名唐曰飛錢宋曰交子龍興沙漠元盛行見元史

國初圓法未大備順治年月題分明故紙傳神重阿堵輕如蚬

卷三 戴銅士

蝶翩然舞權充壹貫便取攜河間姪女工難數因罕見珍襲布

囊塵抄古意憐王郎好比美人鎔刀贈何以報之瓊瑤章

銅士德清諸生僑居菰城貧而工詩詞中年以後為人司

質庫事餬口所與游皆一時知名士生三子俱才俊能文

無何伯季先歿仲捷鄉闈計偕留京亦歿僅遺一孫友人

注謝城輯三子遺詩為刻戴氏三俊集奚君榆樓序之而

孫君愈愚為合傳皆舊交也銅士以暮齒獨肩家累數年

孤寡嗷嗷逋負山積自度無以為計謂生不如死庚戌七

月朔之夕賦感懷詩四章在家雜經而逝年六十八矣遺

囑一紙以讀書成名勗其孫語甚慘同人咸哀而卹之生

平所作詩詞甚多晚年自編定詩集八卷又續存一卷詞
集三卷藏於家孤孫望字子高癸亥余過之滬場亦諸生
而能詩問其祖遺箸丙寅正月始寄來爲錄存六十八首
又附存感懷四律銅士詩工力甚至而才氣稍平故慮周
漢密則有餘鋒發韻流或不足茲擇其風格雋上神采生
動者存之始知人之才氣有時或轉爲工力所掩論詩者
當劑其平也

附錄

華亭陳汝枚子筠

私錢歎

私鑄從來功令嚴官鑪停火私鑪煎細民嗜利罔計害提將官

卷三

陳子筠

罌

裏相株連細訊源流究根柢商人夾帶官鹽船散布鄉村遍城
肆官錢三百私當于輕舟捆載各分券薄如鵝眼充市廛州縣
各設官運局私錢充物私鹽便細民犯法乃按律巨商作奸姑
從權且語階下囚勿泣脫汝桎梏毋再愆蠅頭肩販可餬口不
然荷鍤芸人田抱牘老吏忽長歎明如水鏡虛堂懸吁嗟乎網
羅愈密弊叢腫不但民間多小錢

戴子高茂才自閩歸寄示其友陳子筠司馬詩八首爲言

子筠故江南提督陳大用曾孫舊籍甘肅至其祖乃改籍

華亭子筠援例爲福建府同知乙丑攝秦甯縣知縣歿於

任年四十在日頗喜吟詠而子高所錄止此爲選三首附

子高令祖詩之後閭管會從我鄉宋于庭先生游宜其詩
有風格也

卷三 陳子筠

星



晉風林也

子高令祖詩之後閭管會從我鄉宋于庭先生游宜其詩

大小雅堂詩鈔

青浦邵 堂无斲

號子山

蓮花莊感趙榮祿

秋老蒹葭古徑存
庚申漏版劇銷魂
夕陽鷓鴣紅搖岸
荒野鷗波綠
抱門一棧墓田元
學士六陵宰樹宋
王孫並時文謝英
靈在麥餅于今俎
豆尊

虞山

絳雲樓閣半蒿萊
身是中朝黨部魁
未必青山能逐客
祇餘紅粉解憐才
文章有祭雍詩獄
花月無情葬劫灰
太息彥回艱一死
摩挲枯樹尙餘哀

山塘雜詩

卷三 邵子山

吳

十里彎環一鏡磨
野慈姑白水洪
配笙歌畫舫斜陽
外撐箇漁艇野趣
多

紈扇秋風客恨新
酒悲夢醒感前因
一灣斟酌橋頭水
那有觀河皺面人
前山穠豔後山清
錯落原田野徑平
一帶草蟲啾唧語
隨風攪入管絃聲

無數軒窗枕水偏
野風涼逗晚秋天
木樨一院橋邊路
香到誰家上冢船

感事

禦黃三壩截波平
一潰全淮勢莫爭
精衛生厓填海水
佛狸祠

宇繞河聲濁流已奔長江嶮湍水難馭絕塞行

漢書漕漚志武帝時齊人延年

者上書欲塞龍門孟津之口使河繞出長城塞外從抄漠天山遶左朝鮮入海

二十丈高淮堰在千秋

豹子誤蒼生

晉書謝安嘗曰數歲人而天朝將相皆早春

防河聚訟笑轟雷國計先籌轉漕來賈讓陳書惟下策朱清運海亦麤才使臣祇課菱蘆稅少府虛糜貨貝財誰更北方譚水利羣公獻策莫遲徊

練塘過外祖高桐邨先生故居

扁舟愁過柳湖邨冷燭殘灰事莫論僮僕不知更姓久夕陽猶指舊村園

秋燕

卷三 邵子山

七

巢燕差池往復頻涼秋臨別尙逡巡闌風伏雨尋殘夢落絮飛花話宿因曾借樓臺皆易主半凋門巷况依人天空自識雙飛路莫認哀鴻別鶴身

吳臺雜感兼柬黃茂

吳臺雜感

花時扶屐闔廬城往事閒愁記不明一代英雄埋劍氣千秋恚恨付簫聲湖山過眼溫殘夢門巷從頭訪舊名莫問美人歌舞地叢叢芳草可憐生

瑤籤細表小窗陳故紙摩抄日幾巡久雨天時沈醉客早春花

事少年人夢中識路鄉園熟愁裏關懷歲序新說與平原邨景

好柳絲青到柳湖濱

茸城旅館

涼月鋪滿地尖風橫一林燭花搖客夢蛩語碎秋小短酌不成
醉離愁空自吟匡床欹枕卧何處擣衣砧

鳳巢山詩和吳吉士

蕊鶴

青山如隱士蔥倩匿榛莽雜列眾峰巒塊然涸穹壤一朝經搜
剔丰骨露秀朗所以古名流別具塵外賞善緣告夢來幽巖落
指掌煙霞紫薛衣風雪紅藤杖嘯傲澗谷間非作逃名想樵牧
伴幽棲指攜脫塵網

秋光洗遙青婉變涵巖壑譬若蘊藉人不露形刻削四圍竹樹
森霜果寒禽啄茅庵繚山腰蘿徑帶籬脚闔門瀑懸厓冷然珠

卷三

邵子山

哭

錯落超曠松風臺羣嵐羅峯嶽昔賢此登臨詩人招裊展浩宕
物外心請以文字約

歲暮雜感

小劈鸞箋訊阿環離愁層疊那能刪生涯習嫩偏成掘家事因
貧反得閒刀剪西風前夜冷藁砧殘夢故鄉還可憐猶讓王章
頗共擁牛衣淚點斑

寥寥知己數晨星浩宕江湖舊有盟吾恐負身兼負世人皆言
性獨言情十年聚散分哀樂一輩交游判死生忍讀安仁傷逝

賦山陽哀遂不成聲

蔣維城
潘棟
相繼逝世

重有感二首

歲月行將暮兵戎苦未休干戈傷遠道身世激同仇客有談兵
略人誰共 主憂似聞羣盜語驍勇祇楊侯

騷攘妖氛熾喧呼賊氣屯軍興疆吏臯城破邑官存不教休驅
戰無功卽負恩驍騰諸將在報 國莫空論

書陸宣公奏議後

有唐御寓景象新房杜姚宋皆賢臣君去納諫臣贊化讒詔不
得消匪人陸公生當建中末裴寶同朝勢傾奪奉天離亂禍蒼
黃潰裂金維赤手鞞摩空白羽萬騎來山城落日秋笳哀艱危
幾見輿尸慘草奏何人內相才如公遭遇君恩厚燕語常聞呼
陸九詔書旁午千萬言同職官僚各斂手巖巖氣象騰星鉉批

卷三 邵子山

吳

鱗直諫無遜藏間闖扈從上封事直奮筆舌扶綱常延齡聚斂
邦國痛議折稅市眞奸誣實參忌嫉媚兇黨陰結朝士通元徒
公披癥結何剛直獷狻睚眦害機息用能奮義滅狂臣收莫強
藩仗公力德宗晚倦金甌缺驕怠萌心中讒說遂羅謗牘竄巴
渝擲筆稜稜太虛血嗚呼仙李唐運隆不見貞觀開元中力鋤
權奸平內亂宰臣抗奏天無功嚮使朝臣排黨議忠讜臚言腹
心置能除苛刻煦仁心盡泯猜疑固眾志防邊馭將事功成百
年父老歌昇平禹湯道翳白日照典謨風熄長離鳴惜哉還官
遽擯棄同次營私動遺忌千金思購梁洋中十稔常居江峽地
永貞改元朝命頒褒紫黃髮逝不還方書祕驗五十卷國鑿尙

惻黎氓庶鑿鑿奏牘光青史臣贊上書唐天子老成慘淡救時
心金鑑千秋有如此如公宰輔宣勤劬猶遭奸孽傷羣狙古今
邪正不竝立用人爲國慎勿疏

吾聞讀管子

仲父創霸局井田變周制覆幬參天時蕃釐酌地勢連鄉軌里
法民生賴匡濟九府權重輕立制權錢幣前後四十年國用權
會計海濱七萬戶熙豐饗其利大要慎出入其次慎調劑不見
王荆公青苗毒流弊周禮非誤人讀書味大義
呂尚嫺六韜兵法善張弛漏師迨寺人釀亂曷云已槃槃經武
才軍政嚴律紀可靜亦可動先事而豫理享國富魚鹽利藪伏

卷三

邵子山

辛

奸究威公才英明然亦中下耳何以終仲世萑苻盜不起曠騎
綜兵符廂兵固軍壘唐宋善兵政孰有踰於此
十年計樹木百年計樹人刁牙樹姦黨詔媚者姓姓搶攘五公
子爭國傷謚親肇亂自三孽亦由君失明仲才非不決仲智非
不神論人各微中瀕危語酸呻蘇氏論之刻瑕瑜匿其眞當時
債軍將實亦佐命臣其書少蕪雜小疵而大醇
吾聞太史公管晏事合敘又聞武鄉侯管樂才自許晏無克亂
才諷諫匡其主昌國假仁義才智頗不著夷吾得君專振天下
以武強侯各弭然傾動顏色沮遺書八十六事覈而理舉煌煌
大小匡經國得其序視彼二子才難爲霸者輔

薛澱湖古劍歌和陳大令

文述

大令自序雍正中有農家居薛澱湖側其子於湖底得一劍瑩鈿異常有人欲以緡錢易之不售也一日翁他出有鑄農器者過其門其媪不知以鑄一耜識者惜之然鈿利猶逾於他器余釋其詞若出怨悱爰作歌以啟之

薛澱湖波碧於澱夜半蒼虹燭光爛老農舉網得霜鐔閃爍寒威射人面干將莫邪古有神陰縵陽文經百鍊吳鉤三尺佩者誰煜煜腰間橫白練何年獯沒百丈淵怪雨盲風時一現萬錢勿易待價沽劫火春寒闕雷電鵬鵠鎔化青芙蓉天矯神龍善

卷三 鄂子山

三

騰變時清不用戈戟長春及方資錢鑄善拔鞘一鑄化鑪鞞百隴千塍佐畔佃劍兮劍兮汝異材大用小用神功見賣刀買犢古意存今助耘耔昔轉戰爛銅醜鏡人世多吾輩頑才不如劍

皋橋懷古

上林牧豕計蹉跎關舍高吟偃蹇過亂世才華彌禿少依人傭保得名多友難偕隱盟耶壑妻亦能貧謝綺羅千載伯通橋下路不聞春梓但聞歌

漢汝南高獲墓

蓬顆荒榛蔽杯土墓中之人萬萬古尼首方面狀貌奇鐵冠上書拜光武騎吏迎明鮑明府謾語擠之一主簿督郵三部令罷

除三十里亭獲大雨王梁孫咸應識符天文遁甲無真儒史家
寓言主諫諫崇信小數譏虛誣不登逸民入方術范書列傳爲
公吁君不見同時釣澤羊裘客子陵故態千秋殊

涼月白無際眾星與爭明木葉脫高樹滅此秋風聲志士感節
候獨抱遺世情方寸納萬怪力與造化爭讀書確有得古昔皆
友生秉燭入閭室妍醜無遮形時至展材力命意當孤行千秋
與萬歲奚必身後名

戶樞利開闔車轂勞驅馳人才各有用眎其素所宜位置苟失
當左右皆絀支萬一債國事殺之夫何裨誰司用人枋厥咎將

卷三 邵子山

三

安辭不聞山有木維工則度之代斲必傷手此意般僅知

大臣秉國鈞非有過人智旅進旅退間與眾了不異稍稍遇艱
難往往出奇麗盤錯苟不逢何以別利器上下千百年論事當
易地先竭我智慧乃覈人經濟處我古昔時何以操大議握管
論古人此事本易易
男兒方墮地萬事起倉猝寒暑數十番遼緩即泯沒駐心自凝
思意緒禁如髮吾以蒲柳姿而墮聲聞窟百感役一心所勞非
筋骨失此真性情如車無軌軌默念古人材皆足資感發側身
天地間一燈搖瓦兀

三曉發事大爾王氣冠佩飄飄蒼天文獻甲無真壽史家

膺騰荒雞夜半鳴車箱溫夢不分明雲容山氣竝時合荒露冷
烟相間生穿樹月搖鈴馱影隔牆風遞管絃聲前村一騎郎當
去莫是詩人劉曉行

雜詩

古人重立身窮達無歧異當居田野時卽蘊廊廟志高歌泣鬼
神長嘯動天地崇朝假事權從容展乃治吾以干祿心僥倖求
自試一舉領賢書再舉列上第仰荷

堯舜恩卑以鳩扈事敢謂百里微天心於此寄志士展長才豈
必據高位振刷理事心一誠無趨避下撫林總民上醮

聖明世

卷三

邵子山

五

孩提就傅初拳拳圓鄉里父兄苟有辭曷以掇朱紫逮長工揣
摩瓜離綴文史汲汲登要津峩峩展高軌虎符魚竹間利弊不
挂齒先論地瘠肥勿論民瘠瘠但見百蒼鷹不見一馴雉夙昔
所奏言調調託空紙平生所誦書嫁嫁棄弊屣吁嗟士風做厥
咎自童始學古以救貧道如日中市不見古經生吏治持餘伎
惘惘一念深瘡痍萬家起兩漢循吏多循吏心若此

峩峩關西楊錚錚中牟魯漢廷策循良教養兩倚輔當世賢豪
流又手拾珪組鮮衣飽食間事事先華膺隸僕自驕盈親朋各
夸詡徵求事鞭笞吁嗟此瘠土常覺民俗頑不知民力苦紛紛
爾鷲氓賴官爲緩撫如何視越秦毋乃觸天怒吾生釋褐初至

誠尙存肺腑射策蹋金鼈分符縮銅虎聖賢昔有言皆足資縣譜
謁此區區誠詎必無小補

封疆有大吏操縱視所施收令賴轉振如舸需篙師僚吏位卑
薄各有教養司長官奈倨傲輒以奴視之豈惟長官傲抑亦吏
自詭吏術旣敗壞隱慝積其和以茲跼踖意長官意爲移吏來
自田間疾苦皆諭知仕版矧初隸性眞未凌夷長揖告大吏用
人分等差

秋夜

霜落夷門道寒鐙客感侵世情如酒薄鄉思入秋深貧得天清
氣狂原佛慧心平生孤寂意風雨一長陰

卷三 邵子山

晉

寄輓王

渭江右

秦淮簪烏晚秋天酒坐詩塲一惘然別後音書艱遠道夢中雲
樹逼殘年高才短命天何酷異地長貧鬼亦憐不用招魂憑惡
紙良常新築待雄篇

鄴中懷古

魏武雄圖百戰開西陵宮闕已蒿萊蚤窺玉璽奸言飾晚託金
滕霸業灰九錫文章當亂世一家父子盡奇才禰衡鼓與陳琳
檄七十二疑墳醉酒來

九嬰十日事侵尋割據高齊戰伐深井底黃龍疑織緯殿中白
雁警荒淫人淘萬歲千秋瓦盜攫南鉦北鼓金避暑尙餘歌舞

地西風詞客一長吟

挂鏡臺

摩天石筍碧嶙峋古月常懸鏡一輪僊子不來鸞鶴去天風吹

冷洗妝人

鄴城

落日荒原噪亂鴉秋風銅爵舊繁華不知隔院誰家女猶唱當

年穆護沙

奉檄湯陰臨漳勸水

火檄催人去窮黎塞路看不才慙飽暎無力拯饑寒語直傷時

易身間報

卷三 邵子山

五

國難邨農义手立環向蹋災官

過故鄴城

王氣薶沈井繫邊鄴都往事付雲煙荒臺土齧漳河水廢冢人

耕漢苑田芳草綠於長樂縣夕陽紅似建安年九原若起陳君

記爲話西陵亦惘然

河水復決蘭陽有感

東明城外聲敖嘈河水激與守隄高魚鱗屋瓦入水十萬性

命如鴻毛宵昏天黑白月死四無風聲祇聞水夜半驚魂斷夢

人從此長眠永不起橫隄雜還鼓狂聲冷打男婦駢旌倪木杵

竹筏不及濟雖億萬手難提攜可憐黎民半糜爛憐生壓市皆

凌亂黃昏破塚蛟龍生白日空村鴉鵲散都水使者爾既胎十日
旂節慳不來陽侯爲崇河伯虐猶復藉口稱天燭 國家金
錢千萬索罄鼓無聲寢力作少府水衡爛似泥下游澤國愁成
壑蚩蚩爾氓嗟何辜流亡甫聚力未蘇半年再膺瓠子患甯死
不願還鄉都道路逢人淚如泚災民何苦官何喜官家歲用仰
河壩飽食鮮衣賴有此君不見安昌畚鍤聲轟雷五蠹六蠹紛
還來盈篇累牘列上考舟楫誰是激清才 時武陟大工甫竣 聖主憂
民厘朝昃詔書寬大解肫惻如何傲畏惑不知汝曹合與甯
甯食 對卿 重過馬營壩 武風好 白日空村鴉鵲散都水使者爾既胎十日

卷三

邵子山

五

蜿蜒長隄一繩直旋風挾沙白無色漫空火雲紅燦人天宇非
秋亦淒惻廣武一山凌孟門千七河水河波渾高隄卑堰羅野
意荒原敗壠彌愁痕陽侯慘黯有如此無數蒼靈溝壑死一尺
河水五斗泥百萬金錢覆於水荒鴉叫人羸馬嘶野草高與行
人齊疲兵三兩狀鷲黑擗拾餘稽燒殘娃平沙漫衍龍鬣窟中
有零星役夫骨陽精陰液陷濁泥不見觸體見人髮新鬼故鬼
貉一邱鍊丸銅柱皆魚鱗想當風盲月黑夜定聞鬼哭聲啾啾
國家水衡錢萬貫司農握策工籌算生憎官蠹盡酣滴祇惜民
生牛糜爛吁嗟蕩析民無辜蒼水使者胡爲乎華輿翠蓋掉頭
去千人萬人白骨枯 去白日空村鴉鵲散都水使者爾既胎十日

眎事成臬有作

成臬舊隸三川郡背倚山水規模殊高原大阜廣且峻城郭卑
下如甯孟形家謂此是完局水患壘警言殊誣汜源肇祖古浮
戲山經著錄良非虛九十里水建瓴下自南犇滙城東隅大任
廣武折西北洛水交滙爲混濶環城有壩有隄堰年久殘齧今
全無鄙人眎事大水後客夏水溢嗟其魚參差城郭煙火少丁
戶輾轉遷鄉閭街衢閭寂衙解破下車觸目空踣踣官民儻解
事疏洩浚深開廣皆良圖築隄禦水挽故道厥田縱下甯荒蕪
竭來吏治崇節省論事斥訕書生愚長官媿嬰不解事第知剗
節非嘉謨不聞

卷三

邵子山

七

聖皇恤民瘼司農糴粟連年輸蠲租蠲賑詔一再卹免鉅萬非
區區堯湯水旱國常有臬伊經國時所須牧民弗爲民計議尸
曠之臬臣當誅誓敬大府述形勢首宣

君德篤民居歌詩爰告邦父老腐儒之腐迂儒迂

登城西樓

深溝高壘路彎環落日荒城策杖還百戰功名秦楚際一關開
閉漢唐間合流伊雜趨黃水過雨嵩卽渲碧山此是雍涼門戶
地太平畔鑿自偷閒

有鞠數本棄牆砌問經秋自花對之有作

萼冷香殘一徑深儵然點綴列牆陰開當老圃瘦於骨吾與秋

花豎此心涉世風霜同草木避人籬落卽山林狂夫棖觸焦桐
淚無限人間入爨柴

榮陽漢循吏故聞熹長韓仁銘

聞熹邑長范史遺荒榛斷隴壟殘碑按出虎朝掘土得

金正大
中榮陽

令李天翼得碑於京索間金史地里志上京路卽海古之地金
之舊土也國言金曰按出虎以按出虎水源於此金源建國之
號蓋取爲砒爲礎吁可悲經國以禮刑罰省想見政肅風清時
諸此

遷槐里令辟書阻不幸短命同吁噉校尉牒下丞與尹豎石墳
道旌所司漢人質樸擯文飾列傳所闕名仍垂摩抄文字感時
代如我作吏顏忸怩方今吏局愈敗壞五蠹六蠹蠶人見催科
踴躍盜黨獲鬻校修葺城垣隨但無齟齬皆尤異長官誇美無

卷三 邵子山

美

餘詞興利革弊數大政彼及民事咸缺虧吾聞循吏政渾穆事
如無事爲無爲春風韶煦物不覺旬出萌蘗皆轉移龔黃仇衛
人代遠姓氏膠落如娥羲潤飾吏事漑經術從政今亦違時宜
漢家取士不拘格牧羊牧豕執戟杖韓君昔丁烹平世黨錮幸
不遭詆訾緩民急吏政本得治譜千載無紛歧司隸校尉亦長
者風勸良吏屏阿私循吏少民阜熙循吏多民怨咨吏書上考
作郡去黃金白銀胡纍纍道旁碑石述惠政姓氏不復居人知

歲暮述懷簡沈傳桂

河壩匏繫動經年案牒叢殘自欣然敢信爰書皆鐵案但除爾
俸卽貪泉及民有事牽成例報國憑人草上牋一事捫心功過

在等閒且莫試蒲鞭

昔年吳市聽簫聲酒陣詞場幾度經
湖海人才星落落關山蹤跡夢冥冥
本無榮願甘頭白尙有名心託汗青爲語故園猿鶴侶
脚鞋手板等飄零

夏夜寄密令楊炳堃

黑雲蔽天來榻溜喧一陣遠聞南山雷
夜涼尙隱輔山南斗大城鳧舄蜚僊令
當慰望歲心一雨萬事定袞袞參稭人
眼中各才偶面目見本來所知蓋云僅
汝宰輿衍區卓茂昔報政循吏所治邦
後先當輝映欲化雀鼠頑先格豚魚信
索瘢敢求疵僕請芻言進

卷三 邵子山

弄

一二銀黃吏向人詡材幹嫁嫁手版馳
汲汲頭銜換希承旨間飾虛以掩幻囊橐苟無關
十事九不辨徒抱銜譽心聊博人嗟讚以彼巧宦術
所思殆過半念我兄弟國縣譜相討貫何以克制之一心攝眾亂
要以我入官勿爲官所絆今之從政者聽言必嫌調彼哉小丈夫吾黨亮無患

自我來豫州所過采風俗非官怨民頑卽民怨官酷
家國豈理殊一和召百福官民同氣生胡爲視隔膜
黎民情無知豈必忘鞠育簿書金穀間操之母乃
感樂只民父母箴言當三復先抽我肺肝迺入人心腹

憶昔分宰日朋故咸歛歔作吏抗塵俗母乃多齟齬鄙人跳而

起餘子徒區區士生功名遂文裁特緒餘綰符越五稔勸牒如
勸書凡諸及民事曾不尺寸據乃知事積重萬難還其初古人
胡纍纍豈日皆非夫林靜勿驚鳥水清勿驚魚循吏無能譽矢
志當不渝

人言更道荒不如把錢鋪而子溷風塵作計殆紕錯吾謂後仰
間天不私林壑遺軸祗隨緣心閒萬象廓疔舍隙地多榛莽略
翦削縛帚資官奴蒔花兼種藥笠影度荒原人聲隱殘郭轉因
羈官心而得崑居樂視彼膠擾徒相去殊豐确吾心惟汝知吾
言惟汝託三更衙鼓搥風定燭花落官私非所知水雞呖閣閣
侯鯖錄水
雞龜也

卷三 邵子山

本

車持謙 終南訪碑圖

磧碣摧殘鼻屨支攀蘿捫葛一尋之此中捷徑分明在定有山
靈笑詭癡
野火荒涼板屋頽空山蘭足蹋蒼落欵隘石徑條煤長除是樵
人總不來

子山少時以詩受知于同邑王述庵侍郎後遊吳門肄業紫
陽書院時吳曇繡光祿主講席令擬鮑明遠舞鶴賦立就三
篇各有壯思奇采光祿歎賞不置延至家塾課孫光祿令子
巢松太史適養親家居亦愛其才子山請業于其父子間且
與吳中老輩及一時名彥游學日進名亦日起旋以丙子丁

丑聯捷成進士試吏中州初攝篆林縣後除受汜水皆有循
聲而汜水尤多善政上官器之凡省垣疑獄河防大工輒以
檄委子山不辭勞瘁所至畢辦得膺五品服公餘仍手一編
研摩舊業不置辛勤過甚竟以甲申正月病卒于官年僅三
十八人咸惜之同僚鄒君鳴鶴爲刻遺詩十卷同郡姚君春
木題謂切近以立體疏通以致用磊落以使才奧博以徵學
其評隲自非虛譽余與子山本五十年前書院舊交遺集昔
曾厲目聞板在無錫鄒氏燬於兵火亂後乃從王侍郎後人
借得印本選錄一百六十八首雖音容久渺猶可想其激昂
俊爽之神焉

卷三

袁子瑜

三

附錄

華亭袁修璞子瑜

秋舫

儵然清夢落蒹葭雲水光中盪槳斜租榜有人聞詠史布帆無
恙好浮家回看深浦燈搖影背指疏籬菊放花慎莫壯遊誇破
浪垂綸鼓柅足生涯

秋感

壯懷磊落且悲歌白雁衝雲欲渡河千里玉關霜信早一聲鐵
笛淚痕多寂寥天地歸孤憤歷亂鶯花付逝波苦雨酸風蕭瑟
甚窮愁歲月歎蹉跎

子瑜號韞齋爲雲間宦裔質穎敏頗工吟詠惟因少磨華

膺性成斯弛不矜細行洎乎家道中落入賞為小官于浙
中亦不終其事竟貧悴以死汪謝城孝廉攜其遺詩數帙
見示皆吟社中作詩筆開展饒有思致無小家纖仄習氣
為選八首以存其人子瑜蓋謝城之姊婿又其前母袁太
夫人之侄也

卷三 張淵父

奎

夫人之世也

此卷為張淵父自序其夫人于節盜備述之微而及其遺世遠大
其志有似中亦荷其開風詩言思近無小宗纖仄習氣
中亦不終其事竟貧悴以死汪謝城孝廉攜其遺詩數帙
見示皆吟社中作詩筆開展饒有思致無小宗纖仄習氣

積石詩存

震澤張履淵父

字子踐

雜詠

周鼎出荒壟爛然朱綠融
楚人謂無用入市易凡銅
舉世薄法物留落將何終
公孫爲漢相仲舒乃獨窮
轅固務正學譏毀紛相蒙

禦寇有飢色絕跡不干時
再拜辭官粟其妻拊心悲
志士尙辨義兒女非所知
陸通獨何幸有婦如老萊
夫負妻亦戴偕隱蜀峨眉

往教事非古閔子所繇辭
下逮包與郭斯體猶未虧
就迎道旣枉况爲俗學師
所授非所志得不心煩疲
卓哉文中子講道河

卷三

張淵父

至

汾湄

日星曜天衢末光不可附
煌煌載道文豈是阿世具
索米許佳傳得金乃諛墓
江門儒者流亦以損高趣
卓然一介嚴斯文庶勿汙

原火歎 閔火葬也

原火燦燦耀林藪昨夕燔汝父
今夕灼汝母燔灼或不盡秋
糶銜之走幣有爲之掩醜有爲
之瘞死者獨何罪被此焚如爲
王莽作焚如之刑 化人亭畔淒風
急鬼鐙甕照焦魂泣

迎婦詞 歎喪娶也

命母哭婦上堂中堂紅氍毹
笙歌分兩行寡姑受謁何懷
惶躑

躡有悲獸鳴號有哀鳥君不見主人麻衣如雪容顏好

惻惻詞憐溺嬰也

在腹恩何深出腹恩何寡惻惻彼嬰命不得須臾假念汝亦勞
止未至飢無食骨肉恩毋相賊雛雞之失汝猶惜

吳淞歎

吳淞水三百里上承五湖下入海奈何不入海入城市浚吳淞
議者某不支國帑稅民畝五萬白銀縣官手吳淞開憲符到銀
入不出急徵漕一石作正供石二雀鼠耗風何列列水何瀾瀾
可憐隄防決開江卒半死烏乎民不水死亦飢死不如死吳淞
水

毀倉聽

卷三 張淵父

齒

縣吏何紛紛剗羊伐鼓祀倉神倉神喜租丁怒退米責錢石六
千千手一掀倉聽仆羣吏倉黃不相顧令來詰民亂民何敢亂
各各布路散民在路官在堂捉人豺吏紛琅當縣符投暮入村
曲黃雞一羣飛上屋

貪狼行

狼之來怒目視前以豺獠後封豕於何自肥萬赤子狼之去穢
滿路眾狼從之走且顧我欲彎天弧殪貪狼天弧高縣不在手
令吾躑躅心悲傷

雙烈詩

沈氏女吳家婦結髮二載夫榕死婦欲殉之四媪守婦色平何
子疏遣媪手闔門握筆作大書婦有夫弟奉晨昏夫無遺孤賴
拊養不死何待一十八字光天壤賀家婦童媳陸夫病扶婚踰
月死夫年廿四婦十六昔日女而婦今日婦而女翁欲嫁之婦
力拒生爲賀家婦死爲賀家鬼邀族作書告夫靈十字稟稟節
何偉沈書畢雉經絕陸藏書誓以節嫁陸議不息沐浴自經節
而烈陸死距夫歲沈死距夫月

湖干步月

清絕不成眠奈此涼夜永獨出湖之干寥寂愛人屏數星低樹
明一葉挾風冷水光白上天微茫失諸嶺紆步過招提僧寮亦

已靜此中竟何言游心忽自省

步月

幽興不能留雙扉手自闌高樹靜無聲涼雪一邨積夜氣決羣
蒙壁色洗孤魄似身水中行俯影亂竹柏好風微欲無餘雲澹
將碧拊我清曠胸內外兩不隔

讀書偶作

讀書如飲食素腹藉之療變化以存精餘滓仍須掉吾觀雜博
家瓊瓊靡關要塞胸古人蠹性情安得妙下此更竊雷幸彼舉
未醜窮日做心神于道百無肖所以桓公堂輪扁貢其誦

自警

先哲有明訓止謗在自修小子故不敏而况敢人尤遠嫌洵非
古慎微慮必周元鶴弗啄魚曷爲卑池游昨非期今是卓厲振
萎柔誰哉切劇此悠悠念良儔

題晞髮集

皋父皋父負奇志落魄漳泉不得意布衣仗策參軍事當時信
國奮勤王天不祚宋潰空坑皋父先別去不共信國死世人那
得知所爲夢裏白旗猶北指一腔忠血無地灑西臺慟吳悲風
起生祭何必王鼎翁死葬豈媿張千載我讀晞髮集激烈肝腸
摧霜林月墮寒鏡碧精靈颯颯人前來烏乎皋父義不忘故主
方吳亦不負皋父末世交道等浮雲許劍一亭乃千古

卷三

張淵父

矣

謝文節橋亭卜卦研歌

我昔拊公號鐘琴悽悽爲出逋臣心我今見翁卜卦研深沈彷彿對公面公卜不比成都肆公死恰在閔忠寺感激豈待曹娥碑却聘一書見公志臨安半壁成邱墟此研不沒神明俱玉帶生以信國重紅絲龍尾徒區區噫吁小人牽引胡爲余鍊石之心孰能改多事莫憎留夢炎但須削去程文海

初肯刻程文海名

落琴寄鐵父先生

落琴已如此春雨一何深之子隔流水荒雞聞暮陰寥寥谷口
跡寂寂汾亭心紛我慨多想同君抱郭吟

秋夜遲友人不至

良夜起孤坐江樓開月明故人期不至秋水正方生露白蘋香
冷風高雁語清長天徒寥泚望遠曷勝情

感事

齷齪當今事聞來總不堪飲羊民俗糝害馬吏心焚溝壑將誰
責林泉忍獨耽蒼生它日任勿使謝公慙

田舍

邨南古田舍藤蓋半叢殘曝菜多棲樹懸禾正壓竿牛羊歸日
夕婦子聚天寒聞道今年稔輸公事轉難

懷友

佳人修竹裏清汜十三絃似亦傷遲暮我聞一慨然露林棲病

卷三

張淵父

奎

鶴秋葉落涼蟬欲往從之語蒼茫隔渚煙

獨立

料峭荒郊外一羣雅陣盤我生何所向獨立不勝寒風勁千林
動霜清百草殘寥寥二三友相望暮雲端

伍子胥

五戰爭先入郢都舍宮管臺快心無包胥有約終興楚伯詬何
人竟喪吳遺廟忍同淫祀廢忠魂長挾怒濤驅當年誰進專諸
忍莫怨君王賜屬鏤

淮陰侯

逐鹿中原楚漢紛登壇數語定元勳王孫儻欲三分國帝子甯

能兩奪軍失約固陵誠示隙僞游雲夢果何聞鄧生共有千秋
恨孤負齊城掉舌勤

江行卽事

天風吹江瀆飛濤射窗白破曉各挂帆青山牙送逆輕舟不截
流遂與山根迫盤渦勢往回造次各驚魄轉舵江北行一波平
如席出險事非偶蹈危義當擇區區說無心毋乃未爲得

用程子所

遇老
人事

登鍾山

北阜勢隱天山壯人亦勇平原抗步來意與秋巖聳陽崖秀色
開陰坳喬柯竦滌陽手劍起氣象入荒籠奄勿三百年蓬顆贖

卷三

張淵文

交

虛冢龍蟠王氣消鸞嘯神州動渾茫大江流層疊亂峯捲昆池
無戰艦臺城有榛葺反覆曾幾時今古事同憺半山亭已蕪入
水波猶頽感因拊跡深興以極觀湧興亡不在山形勝虛環拱

雨雩臺

昨日登臺城今上城南臺岷流萬里下一縷蒼茫落日悲風來
臺高恰對長干塢雩雨飛空何颯沓天子講經四眾前豺臣忽
踞三公榻荒涼太極遺殘巖雲光一去已無跡幻雩飄忽不堪
收只化山頭五色石猶共山長留

懷伯兄石梁

石梁城郭暮雲端不見兄歸已歲闌筆墨生涯貧後拙米鹽心

事客中難落鸞官舍分愁遠去年三月與兄別積雪湖樓獨夢於劉海樹師署中寒料是挑燈思弟夜郵書應早報平安

得伯兄石梁來書

念兄書不至書至一沾衣已復經年別何時遠道歸土牀秋病起葛帔故交稀猶幸登樓地天涯得所依

過邵伯湖

水行意如仙蒼波去浩渺朗然空色中物我同了了湖外復有湖斷續疏林繞風帆隔浦多漁舍回洲小微雲交日光澹澹浮虛杳時見枯蘆閒決起數沙鳥

田家

卷三

張淵父

五

黃雀各飛飛江鄉正登稻未書風日乾已聞柳聲蚤嫁娶值良辰茆檐略除掃龜勉召比鄰禮數殊草草嗟我分田農吳下分田十稅

五春貸秋未了聊守先民言諒哉儉爲寶

落日下柴籬邨師散晚塾父老面場坐談言雜種畜今年蚤霜寒禾穉少堅足常若公私難內外兩迫促似聞新令來督課罕鞭撲老翁歎息言此已我農福

風樹篇

俞子憲父早失怙恃作風樹思親圖索題于余余亦鮮民也對之愴然爰作此篇自述卽題其冊

啼烏何啞啞棲彼庭樹枝中有幽居子愴然中夜思思兒能言

日阿父離家時阿母弄機杼茹蓼常苦飢得食不自食哺兒心
孜孜兒年始毀齒阿父荅南歸啟篋出書冊家居以課兒兒時
那知學只逐羣兒娛十五喪阿母阿父困益奇貧至不能斂沈
沈心骨悲阿兄迫謀食牽車東西馳父時誰與慰惟兒相攜持
二十始有望飢驅復相違阿父年未邁華髮歎蚤衰兒身不親
侍魂夢與縈回廿五兒得舉稍得親顏怡哀哉忽遭疾扶牀竟
就危親有育兒日兒無養親期心力不蚤竭至此焉可追死無
以爲禮更何爲人爲兒今年已壯顯揚事猶虧兒學苟不就兒
罪其奚辭兒身終不辱願以告親知炯炯秋月白泫泫寒露垂
惻惻風樹感哀哀蓼莪詩

望縹緲峯

卷二 張淵父

七

結廬何必是瑤京縹緲峯巔一掌平想到此閒身似化白雲孤
窅御空行

妙香樓

虛樓納眾光眇遠目生眩化機妙潛移雲物已多變芟蒲千頃
青太湖繞匹練可惜百萬蓮零落涼波面靜觀得本眞超神祛
餘戀妙香如有聞縹緲不可見

雨後登石公山

微雨洗秋山我趣正與適不辭石路滑聊破蓬窗寂崖泉濺衣
飛林翠迎面滴一道下臨湖軒宇向空闊浩渺天水交混作太

始白幽洞啟懸崖危亭置高壁深探巖乳垂極眺湖煙隔我欲

上雲梯

山有雲梯石

古苔絕人跡裴回已夕光霽月出寥碧

山有夕光洞

山道步月

仙乎一月寫虛空巾拂飄然朗朗中草樹微光知著露水天清

額略因風峯陰忽覺當頭泉脈無端撥手通此夕長吟誰與

聽高寒鶴影忽飛沖興林空澗晚林華一字幾誰吟蒼苔點古

白雲閣災

災峯都愁忽風前險莫行草木無定數耶在會數不

易粟徒傾笥遑謀禔褐完西風忽已厲積水易爲寒獻曝民情

好頌衣

國計難羊裘頻欲御獨煖我何安

卷三

張淵父

三

念尔流移去青州無富公勞人何草草秋雨正濛濛波浪涉江

惡蒿萊遺宅空天寒霜信蚤誰與集哀鴻

自東山渡湖至吳淞

白雲淡寫數峯晴忽忽風蒲鏡裏行落木無多逢雁蚤滄波不

極逐鷗輕殘鐘晚唄雙林寺斷劍秋華一字城掃却蒼涼懷古

意浮家少伯共平生

題趙承旨書胡笳十八拍墨蹟後

悲歌激楚動秋昏淡墨書成意度溫留取姓名千古看蔡中郎

女趙王孫

舟中望慧山

一峯漏晴曦一峯白雲翳須臾日過峯並入空濛際雲淨日散
輝山轉峯殊勢峯峯自聯緜宛與行舟會何必攜屐登空翠妙
遠睇山均樹一叢茆屋孤煙閉此中倘有人今我渺幽契

第二泉

曾聞鴻漸毀茶經一掬泉還覆石亭未聞出山清與濁原頭公
已遜中泠

謁董子祠

儒術西京盛斯人一代宗時方崇曲學帝豈好真龍洙泗明遺
指河汾繼絕蹤荒祠虔展拜鬱鬱倒蒼松

淮上卽事

卷三

張淵父

五

曠蕩中原地勢平黃淮合瀉倍縱橫通溝一稊資南徙故道雙
渠廢北行已見潰防由蝟穴更教除寇引狼兵用劉莊襄公語放河入
海元無事其奈區區咫尺爭

轉餉漁陽舊自唐金符押運又朱張三沙地與鮫人狎半月程
憂鷗母狂航海有侯甯上策防河無使足通方募耕曾記道圓
議歲省輸京百萬強

聊城懷魯連子

七十餘城燕盡得其未下者莒卽墨七十餘城齊復還唯有聊
城重入燕聊城之城區區耳燕將豈是田單比致死攻狄復何
人安用箭頭書一紙一紙射入燕將死儀秦游說不足言魯連

高士乃如此當時迂道獨鄒國短長書中無寸策

再題美人教曲圖華英散曲堂上官歌次堂下笙歌

曾記東風華滿前彈絲吹竹弄餘妍而今故技都生澀不近琵琶已十年

曲院疏簾奏幾回綠衣隊裏勉強陪新聲總厭人閒譜會聽鈞

天廣樂來

孝烈吳母詩

常熟吳某妻其嗣子廷鈐為余丙子同歲生丙戌進士

改翰林院庶吉士

割兒股血淋瀝母身幸可活兒肉何足惜

朝陽姑目暮陽

卷三 張淵父

姑目姑目無見忽喜見婦面

身母及吾夫

兮始兮慎勿悲

完玉詩

有女自名玉

女幼育崔家

無數縣官

父與母亦

便可擇配

娥娥紅粉

足徒爲糞上英請賦完玉詩用激修士情

靜女篇

高樓結際雲窈窕通幽房此中有靜女矜情慕貞芳古服却羅綺正色含冰霜清夜拊瑤瑟寄心在娥皇問名尙不可何能見容光春風一相引暫游洛水旁盈盈綠波裏二十六鴛鴦士女紛闐溢蘭茝交贈將盛年忽自願歸來心內傷罷我朱絲奏理我嫁衣裳蹇修時未至起坐空傍徨牽牛與織女耿耿遙相望用天帝主作合何爲廢七襄

紀事二首

聞道荷蘭島跳梁忽用戈妖星連疊氣候火射鱷波將命樓船

卷三

張淵父

古

下兵移郡國多珠厓勞一擊壯士盡長歌

徐沈餘風歌

徐浮道沈光文避地臺灣爲臺人文獻之祖

泉漳故俗腥

臺民多泉漳二郡人從鄭

成功入海爲盜之後

自非新吏治何以暢

皇靈血洗海壖赤烽消閩嶠青似聞重置守

天語爲丁甯

紀事四首

一夕妖星賈奇功仗

帝靈計方搜虎穴跡已埽龍庭霜帳懼騰暖

天戈血洗腥好將班固筆剗壁勒新銘

已惜單于遁仍擒頡利回六軍鑊吹發萬里檻車來大戮彰渠

首
寬恩及穉孩犬羊終慕化無用鬪饑臺

大將威聲震桓圭

錫上公班超還絕域魏尚鎮雲中城更受降築山仍懸度通非
關求善馬不數貳師功

尚憶軍書急廷臣抱杞憂恐徒罷赤縣私擬棄涼州

庶勝全憑斷邊防更待修願聞平世將加意拊旃裘

湘江迎親圖為宗滌樓舍人積辰題

長安遠復遠湘水深復深悠悠慈母意勞勞游子心問何別親
游為親干微祿問今祿幾何三釜曾不足有祿不得飽有親不

卷三張淵父

差

得依云云湘之水夜夜夢魂飛迎親湘江頭寄食長安地人聞
長安樂長安居不易朝不食鬻字暮不食鬻文鬻文敢言苦願

得親心懽念子猶有母令我心傷悲它時縱得祿但飽妻與兒
割股詩為梅孝婦及其孫纘高作呈張熙臺學博孫嶸生

離使

人因療棄疾說始陳藏器割股遂相沿通人多訾議吾意獨不
然論事當原志方其親病時皇皇莫為地但有活親方毀傷豈

復慮縱與中制違要是性所至所以 聖明朝往往與

旌異善哉梅氏門孝德克承繼婦以拯姑危子以求母瘥霜刃

瘠肌膚丹誠雪涕泗沈疴並霍然孰謂非神賜章君本能文孫

老亦好事表彰得鴻篇殷勤勞遠寄已自足流傳奚煩重記載
聊持慈谿語以折野人對

偶書

漢時齊魯墟桑麻動千畝南北後分爭日夜事戰守西北若不
耕仰給復何有如何唐時賦江南居十九竭此飛輓勞任彼風
沙走遂使江淮閒凋敝乃獨受卓哉潞水譚誰施開荒手

種地僅得穀丁賦乃輸銀銀貴穀獨賤賦急丁益貧黃金土同
價斯語昔徒聞安得稍定制輕重毋相懸常平始李惺糶舊乃
糶新歷年不見動玉粒成灰塵饑孰兩無濟彼哉司牧人

唐虞尙考績九載分幽明成周用大計三載誅賞行後世遷除
速倏如傳舍更儒者譚久任得失牙相形甚速必心苟甚遲怠

卷三

張淵父

美

亦生諒哉敬輿語持論得其平郡縣寓封建此議未可輕

在昔銓制疏可爲本郡守防禦漸以深異省乃除授或竟似請
遷莽莽邊荒走言語多不通情俗罕宣究所繇治術衰徒益吏
心陋無過三十舍此法良難復斟酌古今閒誰與更陳奏

續紀事

莫道和戎易當機貴折衝

帝方思鉅鹿

夷攻奪大角沙角礮臺
可以仁義服仍命剿除

上謂不

臣竟賣盧龍

琦善

擅以香港
地界夷

祇益夷書媢

夷以十數事相
要詞益不遜

猶圖

王聽壑

琦善先奏香港不可畀夷
今自相矛盾被旨切責

累朝恩澤在黔赤盡閭閻時

情不肯從夷
見于公揭

歎息金甌缺狂鋒入虎門兵機先坐失

提督關天培力請撥兵三千守虎門 琦善子三

百人虎門遂陷關自刎死

國體更何存

琦善先奏向有國體之語

狼藉火山錄琦善破問家亦籍沒 驚飛

漳海魂

臨軒重

命將勢已動乾坤

時命奕山為靖逆將軍陸文揚芳為參贊

再續紀事

將軍天上下麾蓋鎮風流

時重揚威將軍赴浙

吳苑仍高會蘇臺

且漫游豈忘專閭寄獨使

卷三

張淵父

七

至尊憂何日曹江去烽煙一夕收

時官兵據曹娥江自守

江左方安枕驚傳二縣淪

廿二年五月七日寶山失守十一日上海亦陷

腥羶連越地

風鶴動吳門最惜陳湯死

提督陳化成力戰拒賊中礮而死

猶聞庾亮存

時江督牛

鑑退歸金陵

圖山關扼要士卒定雲屯

粵東將軍行

粵東將軍志擊賊奈何忽回惑或饋巨槩上加益公然昇入將

軍宅發而視之一殊弓卧顏如花將軍大懽樂夜夜泛流霞朝

來飛礮城幾毀將軍帳中眼未起

丹陽生

京口陷何倉黃滿城官吏趨丹陽卑卑縣丞署改作太守堂有

生突入譁不止太守已殉節安得猶在此守聞怒令爲謝是生
有狂疾幸公勿深過烏乎京口要郡豈無兵擁旄大帥先奔走
守獨不幸逢此丹陽生

登報恩寺浮圖

突兀長干墦來登最上頭山形蟠地厚海氣極天浮閱世消雄
念憑高抱隱憂荒郊餘戰壘蘆荻不勝秋

登戍山謁沈忠武公像

公名慶之
劉宋時人

仗策登戍山秋樹響騷屑上有沈公祠英靈瞻像設公昔處亂
朝光岳正分裂目雖不知書平蠻箸奇烈方今全盛時文武中
外列奈何患島夷並海至流血哀茲陷難徒念彼濟時傑安得

卷三

張淵父

矣

更有公快翦妖鱷滅

游寶華山晤寺僧體乾率成

千丈蓮花上

山以似蓮
花得名

招提結構安雲蒸銅殿潤風掃石壇寒

法鼓殷秋晚禪鐙語夜闌齋糧僧尙足

純皇御題云
僧富足齊糧

哀雁滿

江干

大雪

平地雪三尺羣山盡皚皚山鄉豈爲瑞江鄉更爲災江鄉水未
涸棚舍依林隈煙火望已絕汨寒凜相催旦晚多僵仆積日無
人藪誰非出懷抱宜蒙父母哀父母今何在令我心顏摧

振饑歎

赤子瘠長官肥長官何由肥大府檄振饑振銀四萬六一萬飽
官腹鳩鴿無數填溝壑天道良好還君不見白頭坐墨荷戈北
出居庸關

孤笠圖爲雨生都督題

都督與淮安郡授周保緒濟友善會繪雙笠圖及周卒

復爲此圖以寄其悲思

周子性本豪湯侯識亦曠團團雙笠影放浪江湖上譚兵說劍

共平生忽成死別難爲情幾編青史嗟散佚周著續兩行紅粉

愁飄零周有侍姬四人眼前餘子盡酸腐奇氣何人同一吐隤然老矣

故將軍夢中獨射南山虎

鹽販謠

卷三 張淵父

七

官鹽黑如泥私鹽白如雪官鹽斤四十私鹽斤四七官府紛紛
禁私鹽私鹽潔淨價直廉民願食私不食官私販那怕官刑嚴
不如去鹽商但責竈丁稅行鹽撤盡官私界什一之利販夫賴

棚民謠

江浙諸荒山多客民種芋結棚而居住往往爲逋逃淵藪
或云是食海糧謂與海盜通而資其糧也近有賊專盜

鐵器人疑卽棚民所爲云

棚之民何自來租山種芋連山開沙土和雨注山下良田被壅
成荒萊壅田害已烈或云食海糧乃是盜之窟處堂燕雀吏何

知州郡無兵山貯鐵

夏夜雜書

人心固有藏舊識不可除我宅已三徙夢不離故居區區一藝
事病雜繇當初十年不近藥妙響方出虛況迺此靈府而以歲
俗儲如何一盪滌中夜起踟躕

夢中獲異寶固握恐其遺及覺乃空手迥然用自嗤生來本何
有死去復焉攜唯此眞實性敬以還兩儀愚夫誇積聚志士愛
聲施聲施豈不廣一暎奚所知

海水趨尾洩莖腹含渾渾更乘眾脈出散作萬水原水極良有

反

呂氏春秋云東海之極水至而反

天一還生新新故互不息可以觀本根人

卷三 張淵父

今

身亦如此流行特元精貴精終有竭唯道乃長存毋作柱史見
徒以養生論

植物多暴長既長亦易枯脩竹長交翠獨與松柏徒何繇而能
然勁節稟生初君子尙剛正小人習柔濡霜風一振厲蒲柳竟
何如

虛譽動公卿或致鄉鄰議著述擅千秋難彌寸衷媿汶汶隨今
俗囂囂異昔態惜哉玉山在荏苒同稊稗中喪悔曷追晚蓋道
所貴蹉跎迫大期歎息將何濟

騰虵乘雲霧歸鼠五技窮爲學不擇要徒以無成終下土守一

藝所習良專工復爲形器囿於道其猶曠古人有大本造化與

同功盎然如春至萬象胥昭融此真儒者業後世誰希風
憶我少小時資稟若不慧遇食弗知擇見客無能對持此涉世
途何以識情僞往再及中年閱歷多變態時務稍稍通猶覺半
明昧邇來羈巾童了解人事不習便欺譎所導又機械是致
太樸亡風俗日流敗遐哉皇民敦懷古深寤寐

予齒去其角傅翼兩其足神堯鑄羣形默以寓鉗束奈後橫目
民戇然恣爭逐匪足走更先善觸不以角所繇君相勞政令日
煩促上治治其心無形感自速正身萬物理敬用告司牧

寶鼎世所重僞製誰復陳頑鐵爲體質朱綠塗猶新函牛形雖
具那有氣縕細公然廟堂上左彝而右尊問鼎甯無媿鼎謂毋
多言金甌方無缺吾足幸亦完齊人任弗取高位終身安
庖人不治庖尸祝戒越俎禹稷念溺饑顏氏長閉戶仲尼無斧
柯龜山終蔽魯動足易招尤痾心徒自苦南山買薄田歸與耕
夫伍安知時俗適吾室自三古

哀圩鄉

句曲地勢何重沓高低早潦不相涉山田豐稔滿篝車那挾圩
鄉無一粒南圩北圩分八鄉千邨萬舍波茫茫石米五千奈空
手老幼行乞紛提筐莫道山多圩獨少官錢千萬未穀災黎一

月飽時司庫發銀四千兩易錢八百萬先給災民一月口糧以
待冬振每人不及百錢而大吏猶疑此邑山多圩少縣令

請銀太
多故云

烏反哺

城上烏夜相呼母苦饑望反哺哺母三日母憐雛雛小羽毛弱
哺雛還灼灼嗟汝雅烏不反哺嗟汝雅烏它日亦有雛

春夜同鐵父先生盛眉庵步月

夜來月色佳與子步中壑鸞氣露餘聞潭淥澄不瀉大清空復
空我影見其下佇立忘所爲颯然微風灑朗朗三人心各向無
言寫

同鐵父先生歷步

循溪不覺遠遂至南邨外曠然得平阜一綠望無際藉草坐松
林和風襲衣袖希微清籟生雜沓輕花墜時序默遷流吾生復

卷三

張淵父

全

何事取足不外求林下好位置言詠各忘歸悠悠暮春思

夜坐東鐵父先生

片石從孤坐微涼逼素襟眾星爭欲語明月獨超心泉脈穿沙
細溪光入樹深不知池上客誰與共清吟

和鐵父先生歲暮書懷

沈陰竟日暗齋頭生事蕭條病婦愁米卽乞來聊可粥屋從僑
處不如舟聯牀友喜心期共插架書珍手澤留耽道先生甘澹
泊弗緣兒女累清修

羣材在再半凋傷只有眞精是不亡美橘踰淮迷故性枯枿隔
海孕奇香七絃落落指初下千載寥寥心正長歎息前修何日

到二毛已染髻邊霜

諸子斷斷門戶殊古來經術幾通儒周官未許生安石余疋眞
堪死蔡謨高閣束書知早誤窮山定業懼終孤千秋大義誰商
略一闢荆榛闕里途

長庚缺月兩依依每到思君輒款扉紅葉落殘時晚黃柑分
處語清微竝生東野須相逐老友西山自媿非待使胷中無一
事此生同向百原歸

前詩意未盡再作七律一首

高山流水孰知音幾載南池證獨深積卷仲宣常見贈小車康
節價追尋數峯晴雪明離色一樹寒梅託素心料得前修君繼

卷三

張淵父

全

跡西廬著述舊如林

西廬名傳爲
先生族祖

入翠峯寺上西岡待月同鐵父先生作

白雲靄巒光古木紛糾互一澗忽奔流曳杖石梁度蕭寥遺世
心至此若逢故殘僧適相迎佛閣在深樹終日但禽聲幽華亦
無數憑闌作微吟已覺諸峯暮

皓月漸以上下山與之迎月亦解我近我月似可并復度石梁
坐窈然秋思清却顧月在地碎作涼蟲聲僧雖出門視見客重
問名閑閑亦自得了無世間情

夜歸

層陰雪意交扁舟路修永來帆一黑中舟子相聲警沿河入前

溪風峭斷久打深林幾人家隱約寒燈耿渚禽宿未安卮犬吠
還靜扣舷一以吟思與夜俱冷

盆松歌

盆中之松何菁葱攫拏屈蟠如小龍一夜春雷震地發纖鱗鬱
勃疑飛空松兮余抱耐寒質澗底年年老霜雪怎如此植玉堂
前主人愛惜無虛日綠苔怪石互玲瓏碧樹珊瑚枝同羅列詎知
草木固無情支離崛強亦性生左維右繫拘其形有如壯士被
囚縛使我抑結氣不平君不見寒巖大壑濤聲響千丈森森千
雲上

舟中

卷三 張淵父

四

言向麻源去輕橈泝小溪午煙茶竈煖春水版橋低魚逐飛華
聚鷺分卧柳啼江村田事敏處處有扶犁

題明太常黃子澄墓

歎息金川事廷謀亦太輕已成七國駭猶諱九江兵鼂賈不同
術方齊曾並名似聞風雨夜猶自護佳城

碑記道士某侵其墓域夜有風雷之變

煙雨課畊圖爲潘四農孝廉題

三代能養士士農道固分

江慎修謂周官載師士田學校中之士當於此養之是士農之分不始於

管子後世士無食安得志不紛求富師計范游宦涉楚秦何似樸

學子挾策事畊芸用天而分地中有至理存治生誠爲急舊聞

魯齋云斯意當善會毋爲喪厥真

淮上一僧生異相終身性素愛書書之不在其素道後火下
中聊復督畊子吾聞畊有術下種慎其始化得土無礎根深苗
自美要使人功修毋徒天意恃豈獨治田然畊道亦如此

邨居雜詠

皂莢林邊亂石垣依然卜宅是南邨比鄰兒女聚觀客赴市魚
鰕先到門新火微添蠶起候圓沙淺印鷺眠痕江鄉風景真如
畫并入田園詩細論

豆華寒雨過橫塘一曲晴虹挂水長溪影定餘雲漠漠林霏開
正日涼涼游魚小側清灘白亂蝶低團淺草黃已覺西風搖落
意柴門閑看拾枯桑

卷三 張淵父

金

淵甫之學主於治經窮理故其爲文言皆有物不規規於師
法何代何人而精粹深醇有裨世教餘事爲詩亦高迥絕俗
義理氣骨皆有得於晉唐大家余與淵甫齊齒又弱冠同受
知于學使者而訂交則在四十以外蓋君居大湖之濱常在
鄉間授經丙子鄉舉後往來南北旋以教習居都門數年迨
眞除句容學官始南歸得以相見後每從句曲因事來蘇必
相叙譚藝論文數日而別意甚樂也不意辛亥秋卽卒官年
僅六十其家口暫寓彼地聞癸丑以後遭寇亂零落殆盡所
著古文及詩幸爲舊交平湖顧君訪溪收得是其長子邦攜
託藏弄者然古文已有佚篇闕頁而宗法考一書爲君數十

年心力專注之作期于宗經敦俗垂成而沒亂後乃片紙不
存最爲可惜今耜復遺遊不遺存沒莫考此書竟無從踪跡
矣丙寅春遇顧君澗上始假其集讀之錄存詩一百九十首
當時名士評其詩者十餘家惟張鐵甫解元云刻畫清微澄
然風露之表爲開甫所獨得又王亮生廣文云一眞孤露萬
象畢發言與理會道以神超二君所論洵得其眞際云開甫
初名生洲用六朝時張姓故事鄉舉後乃改今名附記于此

卷三

張淵父

矣

卯笏樓詩稿

吳縣章安行鐵珊

有感時事得七律四章

怒激江濤作陣雲無端排列鵝鵝羣颺風竟夕號鳧鳥

上洋難作前十

日異風陡起有凶焰漫天竊楚氛我盧偏隅多伏莽人誇大吏
怪鳥挾風而來亦能軍那知變起蕭牆日空悔談兵只自焚

北來風鶴夜傳刁曲宥逋逃意氣高出柙幾曾馴虎兇覆巢從
此畏鴟鴞材官身漫戎行列令尹魂先海上招修得艾矛資寇
次金錢十萬散崇朝

城外旌旗照眼紅飛來戰艇破長風焚餘廬舍三軍合輪遍餘
糧萬室空摩壘習知兵氣壯登陣難得士心同一般小醜勞宵

卷三 章鐵珊

全

盱好奏膚功慰

聖聰

側聞虎旅又西來火急軍儲驛路催料敵幾人能借箸行師從
古重銜放荒郊列戍宵添警小市沿塘晝不開歎息春光愁裏
過不堪東望獨徘徊

寒食

難遣春愁去浮生歎轉蓬異鄉寒食節孤館落花風暮祭看鄰
設家書仗驛通良宵眠不穩鼙鼓滿江東

學宮工竣偕同人種樹疏池栽花藝圃各賦一律

蕭疏院宇綠苔侵樹大相期作茂林敢與松筠同此節待他桃

李自成陰向陽枝拂春風暖得氣根沾化雨深莫笑十年爲計
遠柔條栖託有鳴禽

泮壁回環四面通潮來汨汨任西東新學泮池東西通潮滌除九穢歸塵

學舍西臨

界道引甘泉到澤宮戲鴨半池迎細浪卧虹一道駕長空

泮水出入皆渡以橋

入門便覺心無競此水澄清自不同

不羨人間富貴花幾枝點綴插籬斜叢叢嫩綠含晨露片片殘
紅映暮霞好爲雨風勤護惜非隨蜂蝶戀繁華詩餘酒罷凭窗
看自有清芬透碧紗

半弓墻外闌荒畦學圃何妨此暫栖灌溉恰資新泮水耨耘全

襯落花泥盤蔬春入先生饌瓊菜冬藏子婦齋冷澹齋厨休我

卷三

章鐵珊

六

笑官貧不稱膳雙雞

也是園池荷中秋盛開詩以紀之

亭亭翠蓋漾陂池直待秋來吐艷姿花亦如人爭晚遂問誰相

賞未開時

同寅周文圃推升徐州教授以地遠年衰將引疾歸去計

在青浦廿載經癸秋之變繼賦悼亡宦囊蕭然難爲治生

之計聞其將行詩以送之

仕久渾如隱空留首著盤刼餘囊寔罄夢斷枕衾寒老至成遷

客書來說罷官欲歸歸未決烽火滿江干

難作臨歧別相看况老何縱談苦日短痛飲奈愁多有弟堪同

被還家認舊窠天涯如在望雁信莫蹉跎

再賦述懷寄眉史

星星白髮上華顛會少離多祇自憐君有田廬貽後嗣我拌詩
酒送餘年偶逢佳日思良友漫說閒曹等散仙一樣杞憂消未
得有人江畔枕戈眠

夏日偶成

消夏新添水半灣綠槐深處閉柴關十年影息風塵裏一笑身
居仕隱間有酒堪賒聊博醉無才可試儘偷閒晝長徙倚渾忘
倦只爲詩情未得刪

題謝介鶴漢西生稿後

卷三 章鐵冊

全

虎口餘生剩一身奇謀已泄恨難伸無家空作還鄉夢有酒偏
消異地春聽到鼓鼙增感觸留將詩卷話酸辛漢西門外回頭
望祇見青青柳色青

感懷十律

前六章傷時事也後四章悲近况也

突出重圍戰壘摧縱橫寇盜復西來桓侯驍勇眞軍主和嶠貪
慳豈將才築就長濠成下策誤他專閫是多財能罷十萬崇朝
潰賦到江南劇可哀

便下眞州與潤州更無一旅扼中流裏糧求敵戈先倒斷鞅停
驂劍執抽莫向軍中瞻大纛早聞海上駕扁舟頻年轉餉資劉
晏裕國空勞借箸籌

堂堂開府握兵符，慙作平明已。沼吳劫掠先，教焚市肆救。援枉
自乞羌，胡羽書戎馬。馳三月燈火樓，駘散五湖試。向姑蘇臺上
望空餘，香徑長靡蕪。

莫道吳儂戀故鄉，鴻嗷徧野雜強梁。貸錢苦覓三椽屋，問渡誰
呼一葦杭。疑假疑真來馬謖，有謀有勇誤張良。卽看構李師徒
覆，應戮揚干再亂行。

半壁東南海一隅，敢云株守可無虞。局成急劫棋難舉，博欲傾
囊注太孤。應敵豈容循覆轍，懸軍別自具良圖。北來鴻雁無消
息，持重疆臣畫策紆。

千里傳風聽鼓鼙，西郊先已輟耕犁。嚴城入夕催刁斗，衛卒登
陣雜狄鞮。出地顛驚飛霹靂，普天常自望雲霓。何時得慰來蘇
願，殲盡鯨鯢到浙西。

不是桃源亦問津，相投患難半宗親。虎狼窟穴來飛鳥，鴟鴞容
顏認不真。偶話流離增惻楚，未知生死倍酸辛。故鄉殘破無歸
土，况又干戈動海濱。

風雨飄搖各播遷，幸叨列屋讓彭宣。萑蒲盜起跣行篋，苜蓿盤
空愧俸錢。亂後詩篇惟斷句，罄餘囊橐剩寒氊。自憐重厯紅羊
劫，避地倉皇憶昔年。

長身深目類山魃，入市招搖意氣驕。唐室未煩回紇馬，魯邦忽
集泮林。鴟於今闕里銷，竝誦憶昔文光射。斗杓冷宦又教成，遂

客鄭虔老去益無聊

築室當年近聖居空栽花木滿庭除無魚莫漫彈馮歛下酒猶能讀漢書便欲投簪逃仕宦幾曾安枕到樵漁不如暫作忘情客變幻浮雲任太虛

不寐

世亂嗟何極頻年數咎徵民同巢幕燕宦類打包僧枉自營三窟憑誰佐中興聞雞羞起舞少壯已無能伏枕難成寐憂來不可刪更長偏夢短累重况軀孱羽檄庚郵遞弓刀甲士環四郊正多壘莫遽破愁顏

鐵珊以辛卯孝廉官上海教諭幾二十年兩經寇亂初學舍

卷三

章鐵珊

左

爲紅巾所毀事平改建于西成頗有池榭花木之勝庚申秋毛匪竄滬雖未入城而學舍又爲夷兵所踞學官至賃民舍以居晚升淮安府教授病不能赴丙寅春卒於滬城年七十作詩不多近體皆清穩可誦時近范陸二家稿自署卯笏樓謂系出宋宰相章卞公得象考北宋宰相章姓惟閩中章得象及族孫惇二人得象後人未聞有家吳中者惟惇家曾買蘇子美滄浪亭以居見石林詩話後裔遂留不歸閩惇封申非卯疑鐵珊實是其裔孫醜爲檢邪之後而避之歟

詒安堂三集

上海王慶勳叔彞號叔畦

帶勇赴常山軍營蔣子玖明府斯彥祖餞江干以詩送行

次韻奉答

乾坤難洗戰爭愁誰果從容善運籌
鷹隼須防秋更健干戈何事日相仇
空談一紙平戎策恐類三年築室謀
珍重故人臨別語壯懷豈屑淚輕流

富春道中

一幅大癡畫分明懸碧天山沈紅樹
外秋入白鷗邊酒夢蘇涼月詩懷淡
暮烟一塵飛不到心跡共翛然

蘭谿夜泊

卷二

王叔畦

全

尙帶承平象山城夜不局波洶涼月
白櫺骨晚烟青客舫喧絃索人家住
畫屏偏愁行役客蟲語不堪聽

權守嚴州自題吏隱堂廳事

未敢虛聲視一官漫隨禹慶彈冠欲
求有濟心良苦但說無欺事已難
執法須防三尺枉使民好受幾分寬
劇憐座客多吟侶還作蓮花幕裏看

西臺

涼雨瀟瀟作暮寒重來艤棹到江干
泉聲尙帶興亡恨怒卷西風下急灘

忠魂渺渺一孤亭聊鎮空山草木壘
剩有畫眉聲不斷更從何

處哭冬青

新安道中

懸崖斷處接滄波
橋影平分點點螺
三十六陂秋水闊
畫船涼煞小紅歌

署中同朱友三周伯吹閒話

未到斜陽早放衙
三廳靜似禿王家
青浮屋角千重障
紅照城根萬點花落
落宦情難鼓興
蕭蕭旅鬢漸成華
斯民正有流亡感
媿說經綸在釣車

勞勞與世共周旋
白日奔忙亦可憐
豈合風塵常作客
儻非儻懂不成仙
杜陵空想千間厦
陽羨曾無二頃田
自信漢陰機早

卷三 王叔陸

壘

息名心退盡道心堅

荅盛彥人

海上踪無定
淞南櫂又移
自憐同志少
應笑買山遲
才短甘貧賤
情多怕別離
閒愁渾未解
日醉酒千卮

同從英游理安寺

迤邐眾緣中
寺踞萬松頂
香風送木樨
直吹塵夢醒
山僧肅客勤
茶先煮石鼎
一閣倚峯顛
欲壓虬枝挺
惟嫌山四圍
遮斷晴天迥
住水與住山
商畧誰堪準
佛亦默無言
俟吾趣自領
買山容有財
猶慮期或梗
不如歸去來
先泛瓜皮艇

宿西來房

偶來蕭寺宿心共白雲安松老濤聲健山空石氣寒敲詩孤枕
寂續夢一燈殘明日錢江棹烟波萬頃寬

時擬作蕭山之游

示雨湘子香信諸弟

頻年空約早歸耕敢詫儒冠誤半生不易除惟名士習最難居
是善人名未工文字休言命得佳鄉關總有情扶醉且聽今夕
雨淋浪猶是對牀聲

立秋夜坐循陔草堂

寂寂虛堂無客過輕涼消息逗蘆洲
頽雲裏雨催成暝老樹團風欲變秋
蟲語脆含清露潤螢光高混亂星流
芭蕉不解商音苦底事敲窗未肯休

卷三 王菽畦

奇

樅溪同東墅伯英丙卿夜話

容有孤忠泣鬼神時危敢說愛閒身
如何此事猶膠柱徒託空言歎積薪
萬事蹉跎仍故我千秋俯仰幾完人
滿腔塊壘惟澆酒漫謂如碁莫認真

龍華舟次

滾滾寒潮送客行居然刁斗不相驚
三年皮骨空奔走又向荒江聽雨聲

骨相何人識馬周幾番塵夢誤封侯
誰言宦海收帆早已負江頭數白鷗

虹西艸堂卽景

葉几湘簾外琴牀雜酒牀不知何處雨但覺昨宵涼竹早含秋
意花都發妙香爲耽幽趣好未敢說窮鄉
散步至湧金門外潮隄晚眺

偏留老樹擁扶蘇行盡雙隄一寺無水氣綠分山影暗夕陽紅
上塔尖孤十年夢斷梁園賦一路心傷鄭俠圖安得香山從政
暇詩天重展舊西湖

鏡湖夜泛同厚菴

領畧新秋味扁舟夜未眠涼雲時帶雨野水遠含烟小約多情
甚幽尋發興偏笛聲何處起樓閣綠陰邊

寄李小瀛

卷三

王叔暉

七

芳尊曾伴謫仙遊獨對黃花又晚秋東郭新聯元亮井西風愁
倚仲宣樓十年世事憐蒼狗一片名心淡白鷗我本三槎溪上
客願隨鄰父卧滄洲

小穴道中

忽見一舟吐始知萬壑通樹浮帆影碧樓倚夕陽紅小市沿江
轉遙山截海窮羨他鷗夢穩警夜歎征鴻

菽畦家素封歷敘勞以知府需次浙江丁卯秋攝嚴州府卒

於任性嗜詩所著詒安堂初二集已刻又刻同人詩錄等幾
種丙寅春因公在滬以其第三集屬余校定錄存四十八首

近體言情寫景製語頗工可采作摘句圖也

蓬心小草

震澤吳釗森曉鉦

夜抵錢塘

一片西湖月隨舟夜入關樓臺多近水城郭半依山澗響知僧
汲亭空在鶴還隔林燈隱隱茅屋兩三間

丹陽夜泊

山雨連天暗江潮入夜生涼雲團暝色老樹聚秋聲酒薄難成
醉時危莫論兵宵深刁斗靜戰壘尙縱橫

金陵雜感

老佛還宮事渺茫大師遺墓亦荒唐鬼門啟後何年閑偏有孤
臣說從亡

卷三

吳曉鉦

癸

宮殿荒涼卧古藤興亡閒話白頭僧傷心剩有亭林叟破帽疲
驢上孝陵

天寧寺

野徑入蘭若尋幽繞曲廊花疎嫌竹密佛靜覺僧忙鈴語聞孤
塔經聲出上方舊碑難徧讀石壁薜苔蒼

野花

野徑疎花曉露滋淡粧濃抹總相宜

用蘇句

江南春盡飛鶯亂陌

上人歸細馬遲村婦踏青斜插髻牧童鬥草任攀枝不同凡卉
爭嘖笑羯鼓頻催却未知

破寺

古寺何年廢香銷梵唄微凍禽巢佛頂饑鼠習僧衣樓破鐘聲響碑欹客讀稀參寥披敗衲還說箭鋒機

曉鈺家震澤鎮之鄉間余初未相識陸定圃教授先以其詩一卷見示清穩有思致風格近南宋人爲選存近體二十四首癸亥春乃過訪余滬場厲舍年齒相懸一見甚相契也爲諸生十餘年雖南北應試而不尚俗學性嗜讀書尤愛搜尋陳編僻籍日徘徊坊肆冷攤間繙覽不倦所學極爲淹博思有所著述尙未就其觀書尤眼明心細能於書中蹈隙攻瑕余最喜與討論以助我所不逮甲子春恩恩歸里時通簡札客冬曾以所錄張瑤星濯足菴文集一帙寄我丙寅八月忽聞其沒君素精醫理傳者云在黎里某姓館中一病卽自知不起亟呼舫歸到家僅兩日而逝年祇三十五耳讀書種子又弱一个惜哉

卷三 吳曉鈺

先

蕩花居吟稿 國吳文徵隱 江蘇 寶山程師濂蓮亭

詠史

項羽困沛公屢同刃下肉玉玦示項莊拔劍紛相逐高俎置太公而翁情已蹙父子得安全乃藉重瞳族伯也項氏臣爲劉亦已足鴻門解其危廣武寬其毒爲臣戒不忠所在當戮辱爵拜射陽侯丁公焉得服

子房起少年報韓有素志用漢以亡秦入關成大事食其撓楚謀勸帝施德義杞宋存夏商六國蒙嘉惠此計苟得行韓豈無分地柰何借箸籌非復椎秦意嗚呼五世恩竟以一言棄

蕭曹不相能偶居甯肯讓何以垂死時反薦平陽相外舉不避

卷三 程蓮亭

矣

仇古人可同量豈知高帝崩後事曾經訪參才堪代何斯言良不妄知臣莫若君徒以迎其上謂帝已得之私怨焉能忘

淮陰恃忠信誅夷同走狗不用蒯通言豈望陳豨手左右旣辟人誰復詣其後仰天太息言乃執王孫告城下一餓夫生之由漂母鍾室一纍囚殺之由呂后吁嗟無雙士命懸於兩婦

賈生策治安王佐不相讓未妨曠作暫作諸侯相柰何赴長沙此心多缺望文帝非楚懷絳侯非靳尙奉命傳諸王豈等江潭放投書弔屈平中情徒自愴英雄遇合時自咎多疑謗苟無躁進心功名焉可量

鼂鎔削諸侯七國兵戈逐劉氏猶未安東市受大戮主公發燕

事趙王情亦蹙上書告受金帝怒旋赤族古人重親親支庶蒙
其福化傲與格姦端賴講散陸柰何苛細繩殘人手與足不見
韓長孺片言全骨肉

閒居述懷

年年索米走風塵無那歸來剩一身江海自拋青瑣夢豚常
負白頭親天邊鴻雁皆謀食隴上桑麻不救貧何計可能娛膝
下夜烏啼處淚沾巾

庭前落葉入詩清門巷蕭條恨未平秋至文章增感慨年來賓
客斷逢迎淚從阮籍途邊灑歌向荆軻市上行更聽牀頭三尺
劍夜深風雨一長鳴

水仙

卷三

程蓮亭

苑

洗盡鉛華質愈妍微波可託意茫然傷心解佩相要客日暮扁
舟濟洛川

看婦夜織

篝火影婆娑天橫絡角河寒機聲不斷少婦力無多卒歲衣誰
解催租吏更訶終年勞軋軋補屋尙牽蘿

出門

驅車欲何之飢寒迫貧士盎中苦無儲難以供甘旨啞啞枝頭
鳥猶有反哺子生兒不能養耶孃安所恃上堂拜老親此心難
自理父言慎交游母言慎行止

嗷嗷林中雁哀鳴求其羣人生無賢愚各有手足恩悠悠彼行
路難可當弟昆居家似連理出門隨孤雲豈無同心友要非骨
肉親去去勿復道揮淚逐征輪

蕭蕭征馬鳴行子心如醉病妻神暗傷永夜不成寐爲我理行
裝衣裳亦已備與君一處愁分爲兩地淚上事白頭親孝思期
不匱下撫黃口兒飢寒毋我累

大風後登金山作

北風北來江水急千飄遠向京口入如山浪打鐵甕城偃蹇魚
龍作人立濕雲壓地浩漫漫客子慘甚無歡顏岷峨有路望不
極萬里瀉入滄溟間帝愁東南勢傾側手把芙蓉天外擲一堆

卷三

程蓮亭

百

蒼烟爛不收永莫江心化爲石須臾風定浪亦平仰見一氣撐
空明舟行水面疾於鳥江天一覽雄平生登山不到最高所眼
界羞與井底伍振衣絕頂闌蒼浩浩天風自太古是時曠色
江干來斷霞明滅金銀臺眼前奇境落吾手身外浮名安在哉
君不見蘄王百戰功最右欲弔精靈空酌酒又不見坡公玉帶
鎮山門風流一去難回首大江之水日夜流英雄有恨何時休
百年踏地曾有幾大笑人世眞浮漚坐對江天望寥廓山靈謂
我此間樂營得城南二頃田敢忘江水從前約

歸燕

又見辭巢燕呢喃任所之與余同寄食憐爾有歸時去住憑誰

定炎涼只自知茫茫江海外將子共羈遲
未嘗賦于妹
醉歌行示毛又蓑許文光
東風吹春春已暮花開花謝城南路人生百歲曾幾何駒隙光
陰難可駐君不見西鄰少女艷綺羅昔爲新婦今爲婆又不見
白楊蕭蕭北山郭生存華屋今零落我欲酌酒勸流光流光迅
速煎人腸我欲舉杯醉明月明月倒行不可喝生不願得八州
督亦不願作五嶽游但願終日酩酊卧糟邱死歸兒女手生爲
文字讎何如伯倫之鍾隨左右委心任暈死卽休仰天出門愁
復愁此身好似囚山囚井蛙種蝨不稱意千歲萬歲空悠悠解
我五花馬脫我千金裘相期換得如澠酒與君再上胡姬樓

卷三

程蓮亭

三

王昭君出塞圖

我生不識玉門關我夢不到祁連山悄然坐我穹廬下生綃一
幅愁漫漫阿誰寫出春風面宛轉蛾眉畫中見相看清淚留餘
潛此身來自披香殿隴頭落日風蕭蕭鳴弦手冷不能調紫臺
一去天萬里掖庭玉貌邊塵消當年已受丹青誤誰把傾城上
毫素秦時明月照人行莫怨黃金不早賂君不見戚夫人廁中
人篋含悲酸又不見班婕妤裁成紈扇空團圓美人由來多薄
命歡娛未了平地起波瀾何況漢宮佳麗三千人安能一一貯
之金屋間幾曾識得君王面長門幽死更無端就令爾時不到
關山曲深恩未必獨見君能攀一朝委棄永巷側千秋誰復知

紅顏剩粉殘香一抔土此中何用分悲懽披圖如覩窮邊狀月
下香魂尙惆悵一女和親邊覺消功名絕勝嫖姚將

寄王大散

旅食京華策蹇驢悲歌慷慨更何如黃金臺畔重回首落日青
山弔望諸

春日書懷

空存皮相走風塵中酒情懷又暮春親老幾時能捧檄才疏無
地可容身人情雲雨看千變我道山林守一眞自信椒蘭芳不
改女嬃且莫詈申申

子姊嘗責子不合時宜

咸豐初寶山有張君朝桂輯刊其同里白沙四孝廉詩存

卷三

程蓮亭

五

稿以蓮亭居首其小傳云乾隆乙酉經魁久客京邸名動
公卿門下士多躋臺省而春闈屢躋鬱鬱以歿箸有藕花
居吟稿選刻寶山十家詩中全稿失傳茲就其所選者錄
空寺之計古今體僅五十七首耳余讀其詩更擇其中三十四
首錄之五古道勁七古豪放五七律峻整而爽朗惟襟懷
所困不免時露牢騷激楚之音四孝廉中蓮亭科名輩分
最優固最前然卽以詩論亦應居首而所存只此良可慨也

寄王大散

平香賦尙剛勁一文味賤數變節也

採題便做發香一特土垠中何用分悲懽披圖如覩窮邊狀月

玉山詩集
朱繼神
玉山
韓蘄王旗碣石

莽莽乾坤大將旗
江山半壁一身持
英雄事業留殘碣
滄海風

雲護斷碑險扼江
灣軍暫駐潮傾雪
浪石難移保甯寺
裡聽鈴

語說盡前朝人不知
石在保甯寺內

與陸偶書

官千里計何疎
暮四朝三莫問狙
好事人多驚市虎
投時技

盡笑黔驢靜思腐
鼠成何味細看籠
禽豈自如幸入迷
途猶未

遠回頭是岸莫躊躇

對飲偶聞蟬聲

卷三 朱玉山

真

依稀葉底如三弄
斷續風前時一聲
高潔亦知能忤俗
不將心

事訴分明

玉椿圖座上飲慧泉酒

量非大戶不嫌甘
小酌無多亦漸酣
坐久忽忘身是客
又從杯

裏到江南

松滋留別

千里尋詩興已闌
天涯久住料應難
招回明月還相伴
携得清

風不怕衆覽鏡已
殘新客髻釣魚重
整舊漁竿妻孥笑
問歸何

早兩度黃花兩地看

抽身宦海未蹉跎
隨意青山載酒過
雲本無心歸自好
鳥猶求

友別如何三更舊雨江湖遠十里春城桃李多惆悵離心何處
寄月光流影照澧河
蝸頭兩角一牛毛白髮紅塵枉自勞病免微官憐已老生逢
聖世敢言高琴詩酒伴間相訪雪月花時興尙豪歸去扁舟定
何處沙溪碧水漾輕篙

離歌聲裡解行舟水亦多情東向流千里鄉音徐入耳一年好
景恰逢秋江山如畫迎歸路鷗鷺前驅識舊遊獨憶故人頻惱
別前程何處一登樓

自喜

短髮飄蕭千里身幽懷淡蕩一腔春閒中味美人誰信興到詩

卷三 朱玉山

言

成自喜真轉眼鶯花來舊識到家妻女好相親此行莫悔求名
誤意見還從閱歷新

自笑

自笑迂疎只恃天何心更問一囊錢讀書自樂誰能禁與俗何
緣豈受憐入夜幽蛩時唧唧迎秋小弁亦娟娟已拚身世如團
扇儘聽人間付棄捐

百年

四大原多假百年能幾時神仙不可學富貴已嫌遲且飲花前
酒頻看鏡裡絲自憐心一寸惟有月明知

入眼達觀

天長地久著輕塵古往今來故復新原上時添青草塚世間更有白頭人眞能行樂何須境不必看花始見春富貴神仙同一妄但求無媿葛天民

閒坐詠懷

世間何地著衰翁分付餘年斷箇中澹泊不妨從我好行藏何必與人同老驚短髮紛紛白霜染平林處處紅一室蕭然時靜坐桃源咫尺若爲通

寒夜

自笑癡頑不諱窮消磨餘日短檠申讀書樂處師陶解涉世深時學宋龔顧影不知雙髻白伴人長喜一燈紅歲寒松柏年年

卷三

朱玉山

五

意又把冰霜試老翁

玉山詩張選原編在白沙四孝廉中第二小傳云乾隆庚

子科經魁由大挑選授霍邱縣教諭未久投檄歸里閉門

却掃詩酒自娛年登大耄著有玉山詩集不下千首云云

而張氏原選僅百四十八首茲又從張選中錄出三十六

首其詩以眞適閒曠爲宗自道胸臆不假瑣飾時有見道

之言蓋其瓣香者唐則香山宋則誠齋固非世之質率談

理專法擊壤者比也

自詠人真誰肯樂吟詠不爲清涼欲見春富貴願山同一

是賦人春舞風古詩今來若爲漁魚上柳斜青暈斜世間更

吾愛吾廬詩稿
寶山黃河瑞秋平

辭家

臨歧無語可丁甯柳絮無端又作萍前路雲山須記取明朝歸
夢要重經
借胡子華虹圖小憩
一道畫牆直半林苔徑深重欄圍水氣高檻落松陰且爲披襟
坐還宜抱膝吟夕陽留照處隔岸樹森森

落花詞

惆悵晴窗剩綠紗十分春色竟成賒
偶尋好夢痕難覓重戀歡
場事又差空向酒邊餘涕淚定知鏡裏惜年華
癡情擬倩花旛

卷三

黃秋平

頁

護可奈風狂不易遮

桃源風景路曾迷忽漫嫣紅亂一隄
佛眼可能空色相人情那
復惜塗泥枝頭有恨留鵲血陌上無端駐馬蹄
縱使丹青能彷彿不堪詩句畫中題

賣劍買牛歌

賣劍適東市買牛耕西疇跨牛出門去
佃彼山之幽山中多禾黍禾黍長
油油雨露時灌溉且暮事耘耰倉中粟未滿碩鼠鳴
啾啾安得萬億秭供其無厭求
賣牛仍買劍去取響人頭

木蘭從軍圖爲陸渭溪題

木蘭好女兒乃欲赴沙場脫卻綺羅服
學爲軍士裝軍士辭家

不忍別木蘭一去無從感燕山萬騎角聲哀黑山津頭鞭霹靂
朝過金城塞暮出玉門關朔風吹馬前踏破賀蘭山骨都壘外
征雲黑昨夜將軍傳箭急敕勒營前一騎飛滿山草木皆無色
凱歌奏捷羽書馳三軍受賞木蘭辭蛾眉不上凌煙閣十載鄉
關有夢思歸來見父母父母喜且驚握手還相認重聞喚女聲
問女殺人何所似仗劍還作殺人勢自言雙裹血痕腥木蘭力
盡敵亦逝嗟乎不是木蘭好從軍木蘭知父不知身吁嗟乎木
蘭知父不知身

秋平詩居白沙四孝廉中第三張選凡二百七十一首其
小傳云原名瓚嘉慶辛酉科舉人爲同邑進士楊州府學

卷二 黃秋平

三

教授李喬生先生保泰之館甥贅居署中凡數載得所師
承復得與四方諸名士交故其所學日益華瞻壯歲入都
連不得志於春官歸里後抑鬱而卒其詩前半皆言情之
作亦復情韻纏綿後半多感遇所成未免風塵憔悴自來
才人處境始末相違而文詞亦因以殊致大都然也余就
張選中錄存二十八首視原選僅十之一窟隘母濫鄙志
如斯蓋詩貴可傳固不在盈編累牘耳

公感限木蘭一去無從感燕山萬騎角聲哀黑山津頭鞭霹靂
朝過金城塞暮出玉門關朔風吹馬前踏破賀蘭山骨都壘外
征雲黑昨夜將軍傳箭急敕勒營前一騎飛滿山草木皆無色
凱歌奏捷羽書馳三軍受賞木蘭辭蛾眉不上凌煙閣十載鄉
關有夢思歸來見父母父母喜且驚握手還相認重聞喚女聲
問女殺人何所似仗劍還作殺人勢自言雙裹血痕腥木蘭力
盡敵亦逝嗟乎不是木蘭好從軍木蘭知父不知身吁嗟乎木
蘭知父不知身

雪鴻居吟稿 卷東 卷聖人 收貯 或不 寶山 李成鳳少坪

遺懷雜詩

俗儒眼如豆侈口談詩書動訾古人短不顧神鬼誅貶駁自孔
鄭譏彈及程朱手慮偶一得自用忘其愚豈知古大儒才學超
凡夫註成一經義字字衡銖錙縱有小穿鑿瑕豈掩其瑜天不
生諸子六藝終模糊訓詁與句讀指示憑南車乃敢索其癡不
奉爲楷模未識此曹子曾有心肝無小自安流
游山高一步眼界闊幾層同儕未及上俯視頗相矜此意殊可
鄙此態尤可憎自來青雲梯不禁人共登捷足偶先到妄用誇
才能何況峯巒峻歷級相因仍吾未造其極有媿山頭僧吾卽

卷三

李少坪

頁

躋其巔豈無後來人
貧眼窺富室瓦缶爲尊彝畫樓映珠箔醜婦爲妖姬隔一重境
地豔羨心紛馳其實未深歷深歷當自知鼯鼠期滿腹鷓鴣巢
一枝衣食取裁足豈必擁多資下澤亦自安款段儘爾騎妄生
願外想徒病貪嗔癡與齒必去角一盈兼一虧天外更有天但
到都無奇
天道分慘舒世運互泰否已落形氣中安得無悲喜所貴隨遇
安時行亦時止情固未可忘名亦未可市使我無情生不若有
情死使我有名非不若無名是一飯詎非恩片長何足恃勿爲
中山狼勿爲遼東豕聖人如復起不易吾言矣

白雁

塵世繁華轉眼非，數聲嘹唳向蘆磯。
夢回沙渚風花冷，影落寒江雪片肥。
好共閒鷗貞素履，不隨歸燕問烏衣。
卻憐孤潔無人賞，月夜霜天獨自飛。

離家

登屨頻年費苦辛，行裝檢點客愁新。
北堂親老難爲別，東郭時乖奈更貧。
八口飢寒羞故我，一肩琴劍慣依人。
蓬飄豈必天涯遠，咫尺離家已愴神。

新晴

連宵細雨濕窗紗，忽放新晴景物華。
無賴牆陰小蝴蝶，被風吹

卷三

李少坪

覓

上碧桃花

立秋前一日感賦

陰密樹猶夏，聲悲蟬已秋。
光陰成代謝，今古共離憂。
舊夢空蕉鹿，浮蹤愧渚鷗。
難憑一杯酒，澆盡半生愁。

聞蛩

清商一曲起階除，聽到寒蛩倍愴如。
竹簟夜涼拋扇後，蕉窗人靜上燈初。
最先入耳惟秋士，煞甚關心是索居。
吾亦近來情易動，幾回搔髻爲躊躇。

閒窗

閒窗滿眼盡詩材，拾向奚囊費剪裁。
巢燕護雛秋較瘦，渚蓮含

盡冷難開平林露重飄黃葉小院陰多長碧苔愁態卻憐枝上
蜨並無花處亦飛來

新秋野步至丁公祠二律次問秋韻

落魄猶昨日罄牙非一朝偶同素心侶來聽野田潮地勢堰中
泊濤聲淞口遙我鄉花稻好灌漑總肥饒
世事休復問早曾觀所由已消三伏暑且滌一襟秋行覓院齋
趣坐看庭樹幽縱無憂可寫不厭此頻游

秋晚偶得

木落眾峯瘦秋光向晚時葉高辭樹早雲重出山遲物理本如
此人情居可知相思渺無著卻更耐相思

卷三 李少坪

草

感事

翻雲覆雨幾時休世路崎嶇那自由蛛網墜蠅蟻幸免孳罹
雉鳳凰愁大夫舟畔煙波晚高士門前杞菊秋一顆明珠投巨
壑莫教象罔去重求

東窗

蝴蝶飛飛入夢中近來漸覺萬緣空尋花問柳渾無賴弄月嘲
風半未工名士誰爲不羈馬英雄亦是可憐蟲五更覆算知多
少一覺東窗日又紅

寄贈問秋時在瓜渚鎮署

楚客吟成淚滿衣騷情賦手壯心違一帆風雨無家別千里關

河有夢歸春柳影疎隨水逝夜烏啼苦帶愁飛牢籠百態由來
忌漫把江毫任意揮

少坪爲嘉慶丙子科經魁世居江灣鎮贅白沙徐氏遂爲白
沙人性耿介好吟詠筆瓢陋巷晏如也大批二等例補廣文
官不及銓選而卒士林惜之此張氏選詩小傳所云凡選百
三十三首在四孝廉中次第四余於其中錄三十二首存之
詩婉約而不柔靡激楚而不衰颯蓋風調氣骨兼擅其長者
也小傳言少坪曾執贄於黃秋平余謂此或少坪青年詩學
未深以秋平爲鄉里先輩有所取資而爲此若論後來兩家
成就則李固無須以黃爲師黃亦不必定堪爲李師其詩具

卷三 李少坪

章

存後有知言者當不以余爲謬論歟

少坪以不爲里流... 而... 其... 來... 兩...
也小傳言少坪曾執贄於黃秋平余謂此或少坪青年詩學
未深以秋平爲鄉里先輩有所取資而爲此若論後來兩家
成就則李固無須以黃爲師黃亦不必定堪爲李師其詩具
存後有知言者當不以余爲謬論歟

何首夢歸春柳影疎隨水逝夜烏啼苦帶愁飛牢籠百態由來

虞山雜詩

夕陽門巷尙依傍，萬軸牙籤燹火飛。
江左文章前輩健，黨魁心事暮年違。
謝安豈爲蒼生出，庾信新從鄴下歸。
蘭葉飄零桃葉老，祇因兒女一沾衣。

鮑參軍與杜司勳絕代才華，自不羣。
壯志誰填東海石，初心忍負北山文。
秋風故國生紅豆，夜雨荒樓鎖絳雲。
知否白衣歸尙著，會稽山下有徵君。

袁江舟次偶成

盈盈含淚捧瑤尊，東睇淮雲一抹痕。
我是春風門外客，看人離

卷三

袁毅廉

三

別亦銷魂

宮人斜

承乾宮接翊坤宮，滴碎愁魂是漏銅。
一代容華銷歇後，秋花猶作臂紗紅。

玉瘞香埋三百年，犀釘爛斷出珠鈿。
鴉鉏不管胭脂塚，栽遍山薑一稜煙。

過十八灘

離灘尙十里，先聲聒人魄。眾客有戒心，其氣已辟易。
一灘石盡伏波底，蠹如戟。一灘石盡昂波面，揮如笏。
一灘水更惡，下有蛟鱷窟。噴珠碎玉中，水石互相斲。
雷霆走昏曉，魑魅嘯沙磧。遲速

偶失勢人舟一齊磔天公設此險毋乃阻行客兀然大王公笑
謂客無嚇十八灘篙師稱為大王公必僅以持舵乃敢前進

忽聞聲碎旬惶恐灘已至盤渦百尺深活水鼎中沸篙影亂曲
直人語帶驚悸硤硤山蛻骨濛濛霧蒸氣大石蹲老巖攫拳欲
伸臂行舟如用兵佯迎實隱避入險復出險性命一絲寄今宵
宿萬安滅燭枕蓬睡

南食詩

蜜奴穎穎色香兼嘗罷還將橄欖拈始識人生穠豔福不須享
到十分甜香漬荔枝

錦翼斑曾向日飛黏竿一霎入危機悽然不覺停雙箸昨夜花

卷三 袁淑廉

重

前勸客歸鵲鴝羨

纍纍懸碧玉柯銀刀剖出酒盈螺天公原要人常醉心太分
明事漸多柳子酒

四天門

九曲羊腸萬仞懸桐輪摧折馬蹄穿中原路入天門陡太古人
棲土穴圓欄底聞聲開石炭樹梢捲影出窰烟英雄設險真如

夢一局殘碁事可憐

江西按察使潤山周公玉衡殉節哀詞

兵符夜竊王宮內郡鄆十萬秦軍退北海一紙馳平原千里接
師劉備至廬陵古郡百雉城被圍三月無救兵將軍忠勇孝侯

奮力竭難與天心爭

廉訪自州縣作府道身經百戰故民間有將軍之號

朝衣九拜自搯

吮血書字字攄丹誠
公官新授廉訪使公身四郡安危寄高牙
大纛伊何人袖手坐觀真恠事時危將才須護惜忍棄長城檀
道濟雄疆一失斷咽喉嶺粵荆吳郵驛閉公今騎箕謁紫清蒼
生淚似黃河傾風車雲馬排空行天半聞呼殺賊聲

讀史雜感

九首錄六

東南禹甸尙安全
兵氣宵騰白下天
內府金繪空庫藏
將軍歲月老樓船
匡山雲影旌旗繞
蠡澤濤聲鼓角連
一詔書催靴
急期門都護出甘泉

江連潯鄂艦連營
小范胸中富甲兵
父老顧天方借寇
將星墮

卷三

袁毅廉

五

地竟亡彭丹青一代尊遺像
縞素三軍哭失聲
戡亂有才偏短命
彼蒼未欲掃鯢鯨

赤眉銅馬似夢絲
討賊先聲羽檄馳
慷慨原思援梓里
遷延已惜過瓜期
東來處仲求持節
北伐深源悔出師
帷幄折衝良不易
諸公何以報丹墀

貔貅萬竈暮雲黃
路隔天台白石梁
北面有人師廣武
東風何日助周郎
筭丁祇贖三空至
呼癸纔餘七日糧
留得前賢韜略在
李臨淮與郭汾陽
不留雞鶩在山庖
墟落千家瓜蔓鈔
欲竊兵符椎晉鄙
誰搗愛妾遊黃巢
關河有淚征衫濕
天地無情戰骨拋
太白光芒霄際際

飲班師早晚聽金饒

蛟鰐腥氛鬱未開江臯焚屋長蒿萊讀書趙括眞庸將降敵張
元亦異才娘子軍傳城上箭佛郎機發地中雷田園蕪盡陶元
亮老不東歸劇可哀

山中書所見

村農負米二三斗野衲結茅四五間斜吟自過溪外路矮簷不
礙屋頭山疎疎綠苻水清淺淡淡白雲風往還此卽洞天兼福
地太平雞犬亦安閒

卽事

兵氣能昏皎日光聲傳風鶴逼愁腸無靈木偶憑狐崇不捕狸

卷三

袁穀廉

臺

奴縱鼠狂逃命窮黎猿入峽攫財悍卒虎登堂援師反失城門
火三里池魚盡被殃

丁男癸女盡流離睥睨孤城守亦危七十老翁非邵艾一軍驍
將失王隰行臺祇有催糧檄驛路終無報捷旗遙望三衢天咫
尺江郎山頂白虹垂

大南橋

黑雲如狗壓山坳委土封尸比二嶠人撥草根尋斷鏃烏銜髑
骨補危巢養難已受庸醫誤刎頸誰全末路交死地屯營原險
策淮陰兵法孰來教

靜觀

金觀

塵網重重孰指迷，寰中世界等醯雞。酒徒未解酸爲上，茗客須知劫便低。灰塞難迴弱水北，繩長誰繫夕陽西。側生荔子橫栽蔗，蒙叟空將物理齊。

侵曉口占

曉起出蓬戶，陰清未定天。砌花微暈露，村樹遠籠烟。溪漲牛浮鼻，沙平鷺立拳。隣家人漸返，相見各相憐。

錢唐

庚申三月

鳳去龍潛不復回，潮頭百丈雪成堆。地中未見蒼鵝出，湖上重驚白雁來。花月笙歌春幻夢，衣冠人物劫成灰。臨安弔古空惆悵，晉室清談有將才。

卷三

袁穀廉

真

妖星芒角射牽牛，立馬誰窺十四州。終古神靈朝禹穴，至今父老憶婆留。六橋霧暗天如醉，三竺烽連佛亦愁。大好湖山形勝地，無人未雨豫綢繆。

聞賊踞蘇州，省城復分股，連陷松江、太倉諸郡，悽然賦此。叔夜孤男，任護妻，故鄉寇至，各東西。一家骨肉稀消息，千里雲山望慘淒。垂暮難操迴日轡，逃生那得上天梯。吳門五郡關全局，早晚須聽奏凱鼙。

偶成

南天鶴唳幾驚魂，有客青衫濕淚痕。昨夜夢中舟一葉，烟波風雨到吳門。

半鈎月影上窗紗露滴薔薇一架花杜宇不知人事改聲聲猶
勸客歸家

移病

移病新知少思歸舊業荒殘年逃虎口歧路畏羊腸風雨雙吟

髻湖山百戰場招邀蓮社客相與隱柴桑

擬古樂府

十二首錄四

戰城南

生年不讀一字書膂力不彎一石弧家世白蹠雄西都攀援捷

足登天衢玉枕烏程酒繡被邯鄲媚鶯歌燕舞樂未央青絲絡

頭五花馬揮鞭直入中書堂中書召客修私謁門生義子稱瑤

卷三

袁毅廉

五

觴畫角吹鳴嗚百里傳烽驛賊騎風馳響飛鏑將軍奉命守山

南旌旆遲遲往山北

長相思

長相思
莎雞悲少婦當窗織絹時五日織成絹一匹猶恐淚痕
汚素絲良人從軍已三載天涯存沒消息稀上有白頭之病姑
下有黃口之雛兒姑寒兒餓妾心裂飛梭穿鐸十指抵昨日火
伴歸寄妾一封書開緘不識字燒灰口吞之火伴歸復往密意
託君陳明年瓜代日及早離邊塵遼陽甲士四十萬曾見封侯
幾箇人長相思無盡期

夜起

隕齡日加長羸疾日加增葉枯未辭樹膏竭將殘燈云何不自
逸推枕夜常與冷眼閱時變長吁一拊膺清談漏舟中痛飲焚
屋下這無嘗膽謀近伏噬臍禍丈夫亦有淚不爲兒女流後死
更事多翻替少年憂

偶得

幸無官職恨無家

賊踞故鄉無家可歸

江滢羈棲夢海涯捨真怕嘗三斗

醋澆胸豪賤六班茶勁松不改霜中葉老桂猶開雨後花世事
蒼黃難逆料強持煩惱度年華

穀廉少年卽以工詩稱富有才華道光壬午科登鄉榜中年
常作客遊五十外始出官江右歷宰劇邑俱著循聲咸豐元

卷三

袁穀廉

夏

年在大庾有粵東南雄賊來擾登陴固守賊知有備而退八
年在玉山值江浙逆氛煽熾圍城七日君率兵弁奮勇擊之
三戰三捷遂得解圍事後僅加五品銜惜年已七十旋以老
病引退其詩才氣激昂格律深穩晚年蒿日時事又以寇阻
不得回鄉時多感慨意味尤逼近少陵余近從其鄉人得讀
遺集錄存七十首亦晚作居大半蓋所詣誠與年俱進也

止泊齋詩存

歸安管蘭滋谷香

號信芳

詠白蘋

此花清艷有誰知五字汀洲絕妙詞
雨過冷香來一棹日斜秋浦立
多時烟波分得水仙趣風物能牽
騷客思小朶好攜磁盃植芳情不
減在江湄

雨璉市夜泊

岸蟲聲在水淒切激商音一路好
山遠孤邨秋水深溪風涼客髻江
月淡詩心投宿同飛鳥栖烟選樹
林

本蟲

一般蠕動寄紅塵垢膩因緣敗絮
身博取脂膏多此輩縱談經

卷三 管谷香

三

濟屬何人殲旃聚族憑湯沐
蕞爾微軀賤貧天地爲廬容散
布本來蟻蝨亦稱臣

牡丹詞

鈴聲幡影半消磨七寶莊嚴一刹
那莫羨託根真得所大家池館
雨風多

寒食至佛華菴亡婦殯所見白桃花感賦

亭亭獨立水之濱似雪花光一樹
新影落荒池憐素靨根依初地
戲紅塵淚痕幾許空留子春色無
多易愴神重至昔年攜酒處劉郎
那恠髻如銀

至夜

植安管蘭滋谷香

佳節已頻負寒燈還一吟觀空消俗慮耐冷識冬心破甑難留
盼孤絃孰賞音地鑪餘火盡長夜尙沈沈

五月感事

脫漿卷軸半叢殘聊作雲烟過眼觀一自花飛茵潤後可憐重
聚故枝難
側惻輕寒到被池偏於無睡柝聲遲榮枯過眼皆陳跡得失平
心孰退思闕事已闕中歲興言情却愛近人詩牀頭賴有短檠
在清味年來祇自知

初涼

卷三 管谷香

五

雨後初涼體較安窗蕉葉放綠陰寬笠車莫恃尋盟易斤斧何
如遇賞難慣看秋雲心不起任吹春水事無干廿年午馬空奔
走手整殘書興已闌

秋林習靜圖
最難塵市滌塵纓靜境原從夙慧生葉落山添林外影雨餘泉
帶樹間聲秋光洗眼却居適禪悅栖心世味輕家近白隄碁跡
少愛依蓮社結詩盟

支硎道中晚歸

東望迢迢輦路長菜畦麥隴半青黃諸山日暮紛多態百草
春深各具香心識林郊曾逆旅
眼明花木在禪房雁橋

影落平波靜取次遊船散夕陽

却笑

留春不住由春去春尚留餘四月時花圖雨飛紅踟躕蕉軒風
颭綠參差惱人且避無稽說娛老空吟自在詩却笑鞍駒同局
促只因難措買山貲

放言

性靈與家業豐此或嗇彼二者欲兼之世不屈數指受中人以
生豈靳自然美後來蔽厥初汨沒良有以爲害在有餘一心務
華侈俯仰席素封氣質多自是遊戲入旁門小慧矜絕技苟能
移其用童心庶有牙繼體笑一轍濡染習紈綺啟迪縱循塗穎

卷三

管谷香

五

悟邈難企課虛即無形懵然等鹿豕墨守年復年稍長棄如屣
厯厯冷眼窺積習率類此得毋造物心子角則去齒天寒冰雪
中易出讀書子

改七香畫美人對鏡小慎

一鏡光澄秋水清美人含意對盈盈妍媸世眼誰眞賞解共悲
歡只有卿

杖

草草勞生骨共筋暮年跬步輒煩君吟身數息依圍樹故老言
歸散社粉逐日已闌狂士志看花羞入少年羣顛危不盡扶持
力靈壽猶然浪策勳

小病

人意淡無著韶光空自濃孤懷甘落漠小病遂踈慵心短寬書
課年衰媿眾容芳林春又老新綠已重重

漫興

枯澀文思筆懶拈年時老去孰鍼砭近花敲硯晚紅墮過兩鈞
窗新翠添年倦難禁尋短榻秋陰如與下重簾掩書寂坐無聊
賴手爇鑪香火一杓

自石樓登萬峯臺

人跡罕來此蕭寥僧舍幽雨寒雲抱石地迴屋成樓種果爲生
計關門寡世謀踈窗清坐處山氣偃羊裘

卷三 管谷香

憂

策杖萬峰臺天風亦壯哉盤陀繚以曲異境豁然開石色一拳
古湖光三面來題名嫌著相何必刻青苔

上沙西路卹雜述

西望羣山接滌洄一澗橫乍晴虹下影既雨馬騰聲往事滔滔
去新愁汨汨生人家資汲取何處濯塵纓

蔣家山石洞

巨石柯舉确欹斜疊作堆壁爭三面立樹讓一門開仄徑殊幽
絕頽峯亦異哉手攀蘿葛上容我避兵來

無隱庵小憩題壁

依山結構問梅堂避警僧歸茗話長便遂入林攜枕篔篹祇憐心

地不清涼或云賦別數自苦味不問水

山僻禪局篋盡祛華嚴劫後我來初坐中聽說桃源境雞犬應須有福居

曉起或云水戲集開

每起逼清曉斯真詠夙興霞光延日上山氣挾雲蒸世亂窮愁滅心空道力增我辰安可咎暮景况飛騰

七夕雨

涼宵風雨正秋期想見星娥淚濕時下界生離兼死別有何人更乞靈絲

九月苦雨

卷三管谷香

壽

濕雲汗漫困愁霖何止重陽十日陰早稻已收田裏臥晚禾未穫水間沈清寒漸識秋為氣憂患方知病在心骨肉也同搖落感絕無可解託微吟時甫喪次兒雲升

論詩

此事好奇奇不得用船翁句真奇方不礙奇才須知好語性情出不

貴浮詞神鬼猜有意苦搜人力盡無心俯拾化工來幾人憂憂矜獨造生面先求健筆開

市橋散步

比戶登新穀沿村快老晴場閒晨犢影巷闌午雞聲闕却無完物觀空作返生鄉氓嬉自若初不問休兵

冬暖

山曉晴空忽斬新
平疇景色最宜人
時當養夜分清晝
天帶餘秋入小春
駒隙日穿爭野馬
雁程雲散化文鱗
側身天地頻瞻眺
惜少霜威肅戰塵

墅里呂氏寓夜坐

如睡山山態悄然
茲鄉信宿亦前緣
一湖寒小攬烟凍
半夜流雲吐月妍
避跡只求容膝地
拋家難覓賞心天
徂冬自夏恩恩過
飄泊何堪近一年

夢中見亡兒所作畫扇醒後記之

百花只戀冶春時
轉眼蕭條豈自知
今後并無遺跡見
傷心尤

卷三 管谷香

臺

惜是空枝

贈尤靜淵卽題其詩稿

西望鷺湖問水濱
偶因避地託芳鄰
名場遲暮知音少
詩境清新體物真
藥草滿庭人坐雨

君能醫

梅花一樹屋添春
時艱莫謂

萍蓬合論到文章
氣韻親

新涼

炎威雨洗又秋新
聊適羈栖海滢身
寂處不堪追往事
遠游豈盡屬前因
天涼扇已成閒客
家破書如別故人
孤館晚來昏欲睡
郊墟燈火有誰親

風雨

竟日追風雨天教餘暑闌屋孤多夜響海近易秋寒更事醒殘
夢懷鄉感墜歡借詩消旅寂何用抉心肝

對月感詠

海角看明月俄驚十度圓不殊清夜景祇隔故鄉天事業隨流
水風霜偪暮年一輪寒更炯皓魄爲誰妍

殘月

更闌人靜後夜色皎庭除霜夕洗如玦風林銜此梳一年幾圓
缺萬事悟盈虛斯理能尋究無須歎索居

秋夜述懷

啜茗時招近局朋不忘香味煮秋菱觀心屢展重磨鏡娛老休

卷三 管谷香

翼

煎小炷燈遊跡白鷗閒自泛世情蒼狗幻無憑鍾吾山下憐杯

土冷照躡魂月似水

去年九月雲兒沒
暫葬善人橋知

貝子寅臨先德六泉翁花卉畫卷感賦一律次韻和之

劫餘畫卷儼然存撫寫情懷見所言舊日花枝留墨韻孤兒袍
裏賸啼痕因君行篋添新稿感我殘書失故園縑素江南雲散
後幾家手澤得重翻

雜詠

世味溺人慣靈臺終易昏事凡求食賤身是閉門尊安處亡憂
患何人顧本原病來商藥石須識病之根

黃日詠夏日蟲牙

莫將腐草諱前生一點靈光自照行白日堂堂多浪擲有誰管

夜借微明

螢

年時避地別江南慣看青衣跳水愁莫厭卹廬多聒耳無稽勝

與俗人談

蛙

飲泉食壤百無求自占沮洳曲徑幽一帶頽垣斜月夜爲誰橫

笛譜清謳

蚶

谷香籍隸菰城而家居茂苑頗似明季范東生余舊居芙蓉

橋距其家不遠君時授經南濠江氏數日輒歸必詣余處評

詩談道訪友遊山出入必偕如是幾三十年自庚申四月分

途避難余之滬濱君遷郡西山中遇寇屢徙次年春往依江

卷二

管谷香

五

氏江北鄉間乃得安居始與余通音問郵筒詩簡往還無虛

月如是又四年餘至乙丑夏歸吳門而余猶羈栖海上不得

相見丙寅秋欲拏舟訪我未果臘月遽以微疾歸道山少我

七年而先溘逝慨念舊交零落殆盡能弗自傷哉君少歲卽

喜爲詩時其從舅氏張松山太守在蘇獲聞緒論然中年後

所作和平恬淡品格不盡與松翁合惟名雋處時近之貝君

子木題其集云帶得吳興清遠趣一生詩思屬蘋花又云亂

世歌詞能曠淡杜陵畢竟蘆柴桑可謂篤論晚年自編集爲

十卷余於其身後得見錄存九十首君嘗有句云高樹涼歸

與酒親小浮山人潘功甫見而賞之呼爲管高樹此詩因前

後不稱故未錄而逸事可傳特附記之齒逾六十以稟貢議
叙訓導終年六十有八時事紛擾竟未獲一享首禘盤也

卷三 管谷香

夏

增補卷三 五十八 十八 知事像 錄竟未錄 一享首禘盤也

卷三 管谷香 而致事下 尊神 頌之 爾餘 六十八 稟貢議

歎古堂詩

寶山蔣敦復純甫人

別號劍

書滬城紀事圖冊後八首

海城伏莽戎非戎兮莽非莽彼亦有父母妻子曷不爲良民驅
其狐狸豺狼一朝踞海上傳聞小刀會今年定舉事蒼黃急變
上大吏顧而曰嘻知之矣

北門開紅頭來新開抽紅頭愁紅頭愁復愁蒼頭怒莫怒特起
異軍斷要路大殺一陣白日暮抱頭鼠竄入城去
初五賊據城廿七官軍至火速調兵符辛苦二百里堂堂復堂
堂百姓扶老攜幼焚香再拜迎道旁官軍新破嘉定寶山青浦
南滙一路大獲神揚揚

卷三

蔣劍人

冕

胡取乎雞子女爍胡取乎豚子女芝酒漿羅前笑吃吃中夜烏
烏寡女泣但願官軍肯殺賊百姓身家遑敢惜荒江古寺斷人
跡佛出世界救不得見幾而作不俟終日吉二百里堂堂
大男小女奔出城城中豺虎方縱橫鄉村老農垂首泣昨日避
賊今避兵君家老屋淞南住避兵且向莘莊去雞犬桑麻自一
村令人却憶桃花源

二矣

或叫于大營門曰嘻嘻咄咄被髮纓冠救弗及棄甲曳兵走而
出人謀不滅鬼謀得此覺西鄰不可開委曲更費調人才請行
魏絳和戎策莫話秦人劫後灰

有屋不得居有田不得治曠野大風雨皇皇欲何之平生義命

豈弗安奈此十口常飢寒鄉氓老死不願見兵革子孫他日毋
忘茲難難

斗大一城本王土焦頭爛額亦奚補幕府一朝土露布廝養稚
埋盡仕路月正元日飛騎東大東小東一炬紅王師數萬城
下攻五十四旬成大功

秀水周存伯大令開爲余作空山捫蝨圖自題七古一首

射虎不著短後衣屠狗不逢高漸離談兵紙上復何有捫蝨空
山空爾爲不知爾是何蟲多蝨鼻禪中一天地壁間呂姥與蕭
娘厠上曹蜍復李志彼哉都是可憐蟲眼底何物真英雄蝨我
其間太寂莫奇氣往往往嘘長虹卽今飄泊干戈際吾謀不用知

卷三

蔣劍人

五

何意忍見千村走兔狐獨憐萬命輕螻蟻空山歲暮雨雪多山
鬼窮窳啼巖阿鶉居短褐懷龍梭美人不來當奈何君不見賈
長沙陳鳳榻王霸大略胸中吐桓温人物豈可見王猛功名那
足數用之可以安天下鎮四夷不用談兵紙上復何有捫蝨空

山空爾爲

王石谷左筆山水爲寄舫題

天生左手只持螯如何用以揮柔豪或云腕下須有鬼此鬼者
誰定左氏烏目山人還舊山平生妙筆追荆關忽然丁甲掣右
肘似此結習宜除刪先生大笑左其手左之左之無不有煙雲
出沒更變幻造化束縛竟不受雨色饑餉霜影高新篁韻媚石

態驕經營意匠倍洒落中有拙趣往往饒陳君好古嗜絕菽得
未會有詔且喜居然使左如使右那許旁人呪病臂南田戲謂石谷病臂
十年吾畫何患不追及我有一手自覺多學劍不成當奈何朝來讀畫悟
佛法八萬四千母陀羅

登吳山作

江山如此浪花騰懷古蒼茫試一登絕頂秋高誰立馬荒臺風
急且呼鷹疎林紅葉暝煙積落日黃雲海氣蒸忽聽巖城鳴畫
角悠悠心事倚瓠藤

晚出湧金門散步湖上

層嵐淡不極曠望夕煙平老木有寒色孤鐘無遠聲暮天去鳥

卷三 蔣劍人

五

疾落日前山明擾擾市喧集此心湖水清

拜岳忠武王墓

漢家諸葛三人業唐室汾陽再造功天意獨教蒙大難臣心同
此矢孤忠九原鬱鬱黃龍酒半壁蕭蕭白雁風千載墓門人酒
淚男兒怕死不英雄

書南宋張浚傳後

佳士南來作相公暮年北伐轉居功仍貽國恥甘三敗肯惜人
才救一忠幹蠱有兒傳道學出師無將殺英雄憐他鼾睡雷
動千萬旌旗轉眼空

于忠肅公墓

奪門復辟事匆匆此舉何名竟殺公國已有君先
憾臣原無罪不宜忠迎還早盡尊親禮論定終歸社稷功
兩字獄同三字獄蕭蕭宰木怒號風

十二月十八夜自空春至錢塘江行望棧雪

奇景天開夜孤行客放舟亂山殘雪擁寒月大江流
巖事忽已晚勞生尙未休前灘飛白鳥隱隱起漁謳

米兵來

官軍擾民蔣子作詩刺之

黑雲壓城城欲傾老幼啼抱奔出城高牙大纛北門入
將軍避賊來安營猿猱叫擲門打破風漢一羣市攫貨
不知是賊是官兵但見虎狼屋上坐縣令來謁爾何遲
索米千斛勿後時我兵

卷三 蔣劍人

重

得飽肯努力殺汝百姓如殺雞朝來奪船渡江去若屬
妻子皆吾虜山民怖死合力禽縛以投水競快觀將軍
下令誅爾民駢首纍纍縣軍門縣城斗大膏血竭火汝
質庫無遺糧始聞鼓鼙震省會且喜去賊尙百里

富陽距杭郡三合

繼聞鼠輩抱頭竄逸賊緩

追請擊尾吁嗟乎米兵來如蝗蔽天禾稼災米兵去如
疾在體霍然愈米兵米兵爾勿驕爾不見張兵一到賊
兵逃兵家第一整法紀古來良將不使百姓傷秋豪

殺長毛

百姓拒賊蔣子作詩美之

殺長毛兩拳如鏡不用刀肯爲國家出死力嗟爾百姓
皆人豪滿城人海變血海滾滾頭顱似切菜黑風卷地
駭獸奔若輩

反噬深慮再似聞昨日清波門官軍語賊相寒溫養奸門內引
狼入此事傷痛難具論又聞倉猝戰守竟無主如此金湯失險
固卽今賊退城復完撫帥身死不知處老將桓桓意慨慷此城
誓與爲存亡謂瑞將軍擊賊有笏太尉裔辛苦戮力支巖疆謂段鏡湖方伯
小民怒激氣百倍一戰長毛出城矣餘杭富陽競逐賊再戰三
戰盡披靡殺長毛長毛海內流洎治百姓多被長毛殺白骨爭
與青山高等一死耳互相殺彼豈銅頭復鑲額十羊併力敵一
狼羊雖漸少狼亦傷羊命不惜尸橫野吾以思夫牧羊者

漫興

爲愛垂竿入富春他鄉兵阻竟何因要爲天下奇男子不作播

卷三

蔣劍人

五

間乞食人塵世更逢多難日江湖愁老箸書身軍門長揖非無
策回首茆堂舊海濱

書感

橫流滄海一浮萍四野陰雲晝欲暝喪亂湖山都慘淡故交生
死各飄零錢耐青閭門五口俱死杭城范穉禾家破避居諸暨鷺鷥笑我頭先白楊柳于
人眼尙青安得懵騰千日酒只宜常醉不宜醒

無題

長歌當哭起蒼茫藜藿難同肉食腸一將無功枯萬骨普天多
難剗千瘡人才可惜遺鷹鳳民命何堪試虎狼讀罷陰符增太
息忽看匣劍吐奇光

救命布

官軍討賊襲賊記號腰繫紅網有問者曰此救命布也

長槍大戟棄滿路萬事無如救命布猩紅一疋腰幾圍健兒結束將身護賊軍趨而左官軍趨而右與賊一心同擾民左之右之無不有賊軍偽作官軍逃官軍作賊意更豪大索金帛冒賊號百姓道是真長毛官軍詭辭謝百姓中有奇計可內應或當食猝計窮時暫作賊軍且內應噫吁嘻救命布徒自苦百姓殺賊本汝助殺汝當賊亦不誤僥倖偷生何足數策勳縱使高頭銜裙帶下物無此污

燒鍋手

敗語人曰有乞余作燒鍋手者余知其官也憐而活之賊退其人出署府事此詩不書地不書姓名不書事本末風人忠厚之道春秋內諱之意也言之無罪聞者足戒

卷三

蔣劍人

壽

竄下養中郎將燒鍋手作太守昨日賊中北面來今日南面黃堂開可憎滿身都是灰苟富貴無不可斷頭絕脰痛則那平時威勢喜作官叩頭階下我非官賊知是官且活官官運大好升高官官亦作賊只貪利官今安得知廉恥大官小官千百官有官堂堂罵賊死

典史死

杭郡某縣典史朝服坐于聽事見賊大罵被賊而死時咸豐十年二月二十七日也同日巡撫某自經於節署後園大樹下先是北關火屬吏及百姓苦請出兵拒不許遂令閉城城破成歸咎焉

大官一中丞小官一典史輕莫輕於死中丞重莫重於典史死杭州城中蟻賊來中丞身死民不哀閉門十日城竟破不發一天何為哉典史躑躅起復坐殺賊無力走不可儼然朝服以臨

之若輩殺官官卽我烏平等是一死孰重輕守官名義當責成
中丞官大罪亦大忍聽萬鬼號冤聲咄汝典史一死以外無他
策死固分耳非奇節彼不能死狗彘乃不食

劍人初名

爾鐸

少年劇貧困而性兀傲無以自存遂出家

爲僧名鐵岸貌雖不揚天資敏妙博覽史籍且工詩古文
辭常與海上諸名公唱和藉藉有名時英人方在上海求
通商劍人於西語西字一習卽通曉有人薦之夷館校書
西俗不喜僧道乃返初服就館校書既竣遂應試補諸生
且授室焉有妹舊爲尼於滬城竹林盒因卽攜家屬盒中
時當路頗有物色其才者亦常應聘出游交道漸廣咸豐

卷三 將劍人

墓

初時事日急劍人本喜談兵思箸兵鑑一書爲光範門之
獻分兵律兵謀兵機兵誠四門採漢以後列史所紀兵事
分隸而逐條加以論斷以伸己見頗有精鑿之語蓋其才
固杜樊川陳同甫一流也余嘗訪之菴中以書見示篋訂
尙未及半余謂兵事之詳實始於春秋宜輯自三傳開端
體裁始備劍人亦深以爲然逮丙寅冬初病歿聞兵鑑尙
未成書身亦迄無所遇惟應敏齋觀簪延之署中二年深
相投契差爲晚境之甘而已古文與詞所詣皆深汪謝城
孝廉謂勝於其詩然其詩大有侷儻奇逸之氣亦足自成
一家故錄八十首存之吳淞近代不之詩人劍人固其中

校校者也

卷三

蔣劍人

真

捉花行

癸未夏秋間淫雨不止又遭颶風歲大歉木棉更無遺種九月杪鄉人千百成羣競采殘花所在率多滋擾作此紀事

環村喧油驚飛鴉愁雲四合人如麻短衣草屨向前去腰纏布袋云捉花十旬積雨水沒阡萬籠生蠅不可爨陰風墨夜鬼哭哀爛盡木棉何足算木棉已爛其尙留零星花朵開殘秋醫瘡剝肉命難續眼前仍抱憂天憂長吏亦知重民食起視江鄉多菜色草根樹皮弗療飢勘畜旋議賑蓄策蚩氓待澤澤未逮大

卷三 周秋史

夏

掠餘花上市賣初猶踈田繼入廬攫取直嫌蓋藏隘連村闕闕可奈何安得監河爲爾貸踉蹌奔告長吏聞癡聾敢作家翁態三日以後雙鳧來南鄰牆屋排汗萊烏合之眾聚易散行人得牛邑人災咄嗟荒歉亦代有涸鮒祇憑活升斗傾一家蓄恣一餐鞭撲公庭誰執咎今年水滂悲東吳膏腴萬頃淹且蕪橫塘縱浦半淤塞坐令宣洩紆江湖我邑宜棉不宜稻粒食惟恃他鄉飽 皇仁浩蕩關免征輓粟遠通荆楚道登山庾癸呼不磨溝壑那甘轉羸老鋌鹿走險殊足憐網繆詎在創懲早君不見雁戶嗽嗽盡翳桑緩租下 詔厘如傷救饑端賴相調郵情未

先時立社倉

曉過練祁

手推蘆簟指歸程柔櫓聲中雁陣橫寒雨兼旬初漲水曉煙滿
樹不遮城打篷黃葉秋無賴出屋青旗酒有情轉憶墊巾樓一
角詠觴誰與昔賢賡

章華臺

三休簫管出雲中絕代豪華照漢東客拜贈弓長鬣酒春回夢
兩細腰官遠臨鄂渚開全勝高接荆門敞半空九鼎未來雙女
殉乾谿浪說大都雄

姑蘇臺

白馬銀濤可奈何綠蕪舊苑館娃多畫闌秋夢飛梧葉香徑春

卷三

周秋史

夏

風弔苧蘿此地笙歌仍旖旎有人薪贈已消磨五湖載入鴟夷
舸腸斷雙蓮冷玉波

黃金臺

七十餘城一戰收黃金不爲狗屠酬殊勛絕異平原客末代徒
悲易水秋薊北倘留千里馬齊東豈畫五文牛報書頻下燕臺
淚有酒澆應到趙州

戲馬臺

神騷蹴踏楚江東叱咤西來蓋世雄天地已驚三月火關山獨
縱四躡風霸才終古悲垓下豪氣從來壓浦中沙石飛揚睢水
晦彭城那不憤重瞳

歌風臺

歌聲慷慨筑聲哀風起雲飛馬上來
亭長河山三尺劍酒徒湯沐萬家
盃早從豐沛成王業重爲韓彭
借將才父老有精都望幸西京
樂府響先開

越王臺

百丈朝臺俯漢京秋風先到五羊城
桂林天遠無秦吏錦石山高有陸
生賺得蘭珠能截弩攜來蒟醬怕
徵兵紅棉落盡蠻煙碧扶荔宮荒
一樣情

柏梁臺

詩格聯珠上座誇畫梁綺柏闕繁
華瑤池月滿天孫石繡帳雲

卷二

周秋史

竟

排玉母車但得銅盤甘有露早忘
金屋麗如花越巫趙鬼真多事厭
火徵書土木譁

望思臺

脫繩妻孥未了時長生難得死難
知苑開博望謀先誤書上壺關悔
較遲木偶竟同傀儡戲玉鈎轉費
畫圖思慮無豈等含章殿太息登
臺兩髻絲

西銅雀臺

高臺兀峙瞰清漳前望西陵草色
黃生有文章豪對酒死餘兒女泣
分香鵲猶繞樹春難鎖馬已同槽
夢未防亂世奸雄虛月旦累人
獻弔最蒼涼

凌歊臺

擲罷擣蒲入建康龍文夢覆竹林堂洲前月暗符高祖臺上風
雄屬大王坦卧漫銜匏箭恨凌虛誰借葛鏡張三天歌舞招涼
館剩有黃山鬱莽蒼

鹿城道中有感

秋風索索雨冥冥鷗路衝開一翦萍
送晚山青論文要入怡人集諧俗林參陽
鬼經青與鸞鳩同飲
啄九霄獨鶴振霜翎

淞口

南指春申一浦遙水雲漠漠倚茶寮
渡頭杉板輕如葉不等東

卷三

周秋史

一

風不等潮

估帆相次泊斜曛人語潮聲入店門
一路腥風吹未散鮑魚初

上又河豚

滄鷗以宣州石疊作小山旁植雜樹青
峭翳翳幾忘爲盆

益中物也詩以索和爲賦長句

伏如壑蛟蟠矯如韉鷹逸敏如鮫織綃瘦如龍
出骨割取蓬瀛石一卷眼前突兀鬢復鬢
其下注以不溢不涸之勺水其上植以不榮
不枯之蒼松其旁蔥蔥鬱鬱綴雜樹活脫粧
點秋山容羊腸九坂巖附土峭壁忽斷飛長
虹林厓咫尺大狡獪結構乃欲爭天工我
聞此法始我邑益樹竹刻稱三絕誰其擅者
檀園

客見趙蒙泉
客紺寒亭集嵌空化作荆關筆君今邱壑胸有圖九華收入壺

公壺千渦彈子傲髯蘇石齒楚楚石髮奮不慕垂雲與沁雪不
誇靈壁與太湖層巒疊障得大意題詩手把真形摹側身束望
滄溟大獨少奇峯出雲靄到公之賭又恐輸愚叟之移未爲快
平生虛想五嶽遊方寸峻嶒發光怪恨無祖龍力士鞭驅送名
山落檐外竭來對此亦足豪譬如求仙已得綬山桃

木棉歎

去年木棉花盤夥垂垂結子花枝鞞颶風怒挾冷雨來如掃秋
籜如剝果今年木棉花鈴焦火雲夾日將花燒枯槿輾轉救未
得花開不見花含桃海鄉自昔非宜稻種花又怕花多草鋤花
當午汗蒸花枯眼祇盼枯花好田中一朵花機上一梭布朵花
弗滿半囊織布那望玉袴矧爾里里薪米貴無花無布將曷資
去年花荒今年賑今年復荒誰共命安得枯枝重吐花官租早
納生有涯

遊觀音門諸山洞

山峯斷復連山澗靜欲凍幽尋路忘紆殘引古洞喻風寒有
聲窺日黯若夢石危頂防摩土鬆趾懼墮橫訝行爬沙窄疑請
入獲摸索暗相驚青霄忽裂縫劃然分兩崖照破萬苔空四壁
仍陰森一氣互穿綜咄哉造化奇恣把煙巒弄椒丸夾林芳松
翠襲衣重來時山雲迎去時山鳥送

燕子磯舟次

顛風勢撼危磯勇曉來江氣兼山湧
山上看江江不奔江上看
山山欲動橫江山寺清且幽懸崖撒手招人遊
明朝商畧添枝艫一路青山下潤州

旅舍感賦

昔日何蕭巷悲歌夏亦秋相逢山月冷
猶動海天愁殷浩宜高閣王尼歎橫流
知君妾被在歸夢逐沙鷗

登攝山最高峯

前年兩度棲霞遊芒屨蹋徧林巒雲梯萬級謝絕頂山靈大笑先生休今年重過山前驛山光仍似前年碧風巖水穴舊知

卷二

周秋史

臺

名一峯最高無我屐方壺圓嶠不可攀咫尺何歌行路難便隨飛仙躡飛鞚振衣直上凌天關盤盤俊翮出我下到此轉憐同調寡儼從閭闔窺星辰那知塵海噴車馬乃歎峯高身亦高俯視松栝皆蓬蒿祇恐罡飈倒吹去幸有白雲爲裏住

歲暮養疴聊檢舊稿賦此自遣

東雀填門黯夕曛銷寒聊借一罍薰
衰來微瘵先除酒閒到殘年尙論文昌谷心肝惟恐嘔君苗筆硯未能焚手拋藥裏披詩冊後世何當有子雲

元祐黨籍碑

黨籍碑入三百九大書特書公相手手定上中下某某死者追

削生竄走一網打盡紹熙豐釀作青衣北帳酒顯謨閣有臨川
王景靈官無司馬光斲棺幸爰老臣魄何惜姓名勒片石石色
絕異太師青石質可憐天水碧瓦鳴鐘毀斯宋龔涕淚忽墮長
安工此碑未共寶鼎裂忠直徒表高平公彗星十丈向西埽夜
半黃門拽之倒前踵東京後東林坐使越家元氣槁同文館端
禮門他年社飯悲宣仁羣賢賴爾亦論定譜述詎假龔頤正

初秋漫興

清簾疎簾夢亦幽琴心淒咽暮蟬休葢篁礙月難刪碧弱柳搖
風易引秋作賦忽思誅豹脚抄書祇怪誤蠅頭班生投筆劉生
舞不信傳烽半九州

卷三 周秋史

五嶺

五嶺盤盤草蔓生尙方 賜劍重專征斷藤峽險誰窺穴細柳
營堅但退兵妖醜可憐屯沃野軍儲何計裕 神京慈悲應悔
邊菩薩粵海連年養鱷鯨

畏賊爭如畏虎虓長沙勢與武昌交 至尊宵旰憂三楚大將
遷延壘四郊新廟有神崇白起浮湘無策拒黃巢皖公山色青
非昔遜抗家聲莫解嘲

萬里愁雲鬱不開青燐白骨動人哀徒聞陣後呼淝水詎畏軍
前齒赫雷被褐漫矜王猛畧圍棊要仕費禕才何時電掃黃巾
黨戰士歡騰唱凱來

暴風謠

貪狼風與獵鷄併怒虎出山無此猛攫人欲向雲端拋幸有三
椽屋蓋頂君不見海門奔浪申江濤千檣陡折船背高朝來背
駭滿沙觜小劫特開殺運始時溺者無算不旬日而
嘉定上海與我邑俱陷

登君山山有春
申君墓

梯雲直上曉煙開蠟屐非關弔楚材石碣水墜穿磴去海帆風
健逐山來蘭秋蕭瑟騷懷遣桃夏荒涼霸業哀珠履三千成底
事寒泉誰與酌蒼苔登君山
申君墓
孤亭何處響松風橘刺藤梢護禿宮豈惜棘門藏俠士最憐席
帽老詩翁俯臨城郭收全勢橫扼波濤拓道空見說連江多戰
壘鐵胎要挽楚人弓

卷三 周秋史

三

閻忠烈公祠名應元官典史
乙酉殉江陰城

有明三百年養士未造效忠得典史不知典史果何能能抗二
十四萬龍興兵能合一十四萬眾視死皆如生孤城斗大圍四
面團練健兒出塵戰豈期赤手挽銀河尙憶黃田飛羽箭義旗
卓豎風雲高降書柱向軍前招精誠動天天亦憐緋衣黑夜鏖
射濠五更轉曲發豪唱歌聲遙和角聲壯火球燒破帳牛皮環
攻愧煞先朝將位不及請尙方劍職不及半長江壅旣不類張
中丞之睢陽曷不效汪總帥之鞏昌貌爾微官竟誓死可憐南
八眞男子君山黯淡蒼江寒題上城樓慘髻指嗚呼北都淪南
都失羸者此暨陽勞師八十日同心況有馮厚敦
節愍與陳明遇
烈愍氣

節乾坤鼎足立我來再拜瞻英姿碧血爛斑青史知國殤重甲
田橫島毅魄堪鄰余闕祠

季札墓

直繫勾吳曠代思論交上國盡心知死生肯負千金劍天壤長
留十字碑獨抱高懷追泰伯不圖遺憾入要難延陵城隔鱗諸
巷棠鐵猶餘貫甲悲

屈原宅

絕代文章自楚開蕙蘭舊宅弔荒萊郢都草草彭咸逝湘水沈
沈賈傳來七國論才宜獨霸千秋競渡尙餘哀蛾眉從古多謠
詠莫更蒼天問酒盃

卷三

周秋史

臺

子雲亭

問奇曾有麴車停來賦甘泉別此亭末路伯喈千里草高文司
馬四城銘校書偷許終投閣覆瓿何妨獨擬經祇惜美新符命
頌鳳凰飛去夢難醒

嚴陵臺

豈有飛熊夢涓濱羊裘未許漢家臣赤符事業歸眞主白首煙
波作逸民俯視雲臺圖將相偶聯卧榻動星辰淮陰終古悲鐘
寔何似垂竿老富春

伏波村

列宿休儕建武班是翁顧盼震諸蠻將才老接韓彭後王氣雄

開隴蜀閒銅柱勛名鳶墜水珠車謠詠麟盤山何時款段遊涇
里絕徼徒悲馬革還

隴巖宮

隴右山川隔洛中依然避暑築行宮米猶未煮驚來歎書竟徒
貽負竇融蜀道不甘降表上蹇人誰料蜀圖空杜林無語班彪
去天外真真有兩鴻

謝公墩

白狼結眊早蜚聲捉麈彈棊別有情能使桓温銷逆氣始知殷
浩殉浮名東山絲竹西州淚南戒江淮北府兵明月白雲亭榭
古此墩枉費後人爭

卷二

周秋史

真

淵明里

琴心絃外問誰知家國滄桑粟里時仙人桃源惟有水佛參蓮
社并無詩休將彭澤儕宏景遙共仇池奉義熙典午未亡憑處
士秋風黃菊又東籬

去天白芍藥和郁舒帷

不作腰圍金帶思盤盂奉玉餞春時澹留月影揚州夢濃謝風
情消水詩婪尾何緣偏獨醒素心可奈來將離此生前荷東皇
寵肯向豐臺門豔姿

黃陶庵先生集野人四章感時書事庚申秋仲爲效其體

野人太息賊勢張臺臣矜奮先出疆蒼生糜爛徧郡縣慘哭不

尼憤火偏融坐鎮中

同是昆明歷劫餘江郎賦別悵離居蒼鴉隊起愁雲合紅鯉書
沈舊雨疎休信蠅鬚堪就館便持鼠首亦題輿危城猶作銷金
窟那識王尼宿露車

丙寅冬寶山沈君穉聰過訪余厲其與周秋史明經遺
詩十卷見示屬余選定將為付刊集先經秋史舊交蔣劍
人文學選至第三卷未及終事而歿余辭之不獲迺為續
選如干首復為補蔣君未選者如干首歸之更於所選諸
作擇其尤精者一百八十首存之秋史少受詩法於同邑
沈夢塘孝廉即穉聰之世父宿以才著婁滬間者也孝廉

卷三 周秋史

稟

所著余未得見聞其生平服膺王元美吳駿公二家今讀
秋史詩格律風調深得王吳二老之神知其能一稟師說
不為世間塗附晦澁諸派所感而詠古諸作於史事尤熟
蓋非徒於五七字中覓生活者洵無媿東南一代作手矣
寶山近時詩家劍人名最著其天姿高邁故詩多俊逸而
微近好奇秋史則學力極深格遵正軌理醇律細滑秀詞
清與劍八面目雖殊足稱二妙穉聰詩學亦深質以余言
當不謂謬余在滬僅及與劍人往還而讀其詩秋史已前
卒惜不獲交今幸得參校其遺著亦文字緣也

迴鐵石腸議守未能況議戰躍馬一呼大城陷長刀斫背俘壯
丁前驅當礮飛血腥

野人太息兵氣悞遙望賊旗膽欲破闐然四潰鋒乍交偷活草
間脫衣坐應募原多駟僮徒肆掠但計腰纏幾隊長不問將不
敢攻圍請俟徵調集

野人太息軍餉艱國帑告訕民力殫估商算繕開架稅輶車轉
運營門閒籌唱傳餐萬帳舞江南惜未復寸土柵鼓忽震拋棄
逃供輸再累股脂膏

野人太息土匪驕沿鄉叫嘯橫矛刀上中下產戶凡幾傾箱倒
篋窮搜牢克鋒直作流寇導晝夜繹騷莫可告我欲避地棲田
廩

卷三

周秋史

真

圍入林何處尋桃源

滬城雜感

六首錄四

手握兵符督八州雷池一步限鴻溝市通遠估藏秦謀地割羣
夷切杞憂烽燹四鄉糜血肉芻糧兩載老兜鍪最憐匪野屯青
犢殺賊終當借箸籌

蚌游身世寄生難偶叩鈴轅惱上官鐵管
受董庭蘭繡整閒縱狸奴卧油幕低營菊
者亭留野史與人看

帳外連村烈焰紅黃蚪跳盪挾秋風窮黎痛哭焚巢烏戍卒癡
龔堞石蟲逐北斷難期宋義圖南應悔拂田豐神焦鬼爛都罹

拄杖立階屺遙城尙咽笳四更初見月千里獨思家露氣檐前
濕星光樹杪遮那堪窮老日流落在天涯

雜興傲香山體二十三首錄十

役役貧賤生役役貧賤老老病死相連冥限孰能保官職論高
卑貲財計多少沈迷噩夢中豈悟天將曉聖賢與仙佛身了心
卽了精氣歸太虛軀殼還大造無始亦無終非遲亦非早蜩甲
不再蛻玉山有時倒身前千卷書身後一杯草

殺賊在戎韜不在手中刀用人在肝膈不在口中蜜使者江上
來云是觀軍容唐有觀軍容使旌旗互百里帳下皆罷熊士卒視如子

萬旅一心同金帛視如土不賞人無功下解倒懸命上慰宵旰

卷三 袁穀廉

粟

衷借問僕射誰庶幾郭令公

已了作官身未了作詩債漸憐親友踈屢被妻拏怪聲名風過
簫年命露沾確憶昔少壯時意氣頗豪邁雷光與石火倏忽六
十載一雙閱世眼覷破大千界惟有月輪中山河影不壞

世治議裁兵度支節經費世亂議招募戎行備指臂駕馭苟得
人烏合皆堪使燕昭市駿骨士集黃金臺漢廷樊灌等皆從屠
販來龍虎一吟嘯萬里風雲開不聞英雄主將相無真才

遺民避秦亂相率隱桃源高士渡遼海百家隨幼安履霜兆堅
冰見幾必先作如鶴出樊籠萬里翔寥廓如魚匿深淵猶恐來
蛟鰐禍福本無常人定天能勝所以亂離時智士不言命



揚州
此生
祇

不謀地割羣
匪野屯青

真